

95087

西莊始存稿卷二十八

頌

平定西陲頌

二十四章
謹序

乾隆二十有四年我師克定回部逆酋大和卓木
波羅泥都小和卓木霍集占咸伏誅拔達山汗素
爾坦沙遣使奉表稱臣西域大定計自軍興至今
甫屆五載收數十部拓地二萬餘里成

祖志繼

宗功覆載之內咸歸版圖遐荒異域自古聲教不
通之區咸洋洋乎嚮風慕義願為臣僕十月庚子



捷書聞壬寅羣臣表賀請上尊號

皇帝謙讓不居以成功歸之

天祖庚戌祀

圜丘越十有一日壬戌告于

太廟將士賞賚各有差行慶施惠

詔告天下猗歟都哉鴻勳懋績生民以來未之有

也臣鳴盛奉

使閩南比還朝于驛路聞捷音欣躍抃舞伏自思

念臣自少喜爲文辭竊欲和其聲以鳴國家之盛

今幸得蒙

九重特達之知不次拔擢列在禁近又適逢我

聖天子德配天地功冠古今之際當盛而鳴正在

此時作爲歌頌播諸樂府附青雲而不朽所欣慕

焉昔者韓愈平淮西碑蘇軾獲鬼章詩功非甚高

而文炳萬古此功之賴文以傳者也元平雲南程

鉅夫作記明平蜀劉基作頌功有可紀而文亦足

錄此功與文之相配而傳者也今日之功爲千古

未有之功而臣文實萬不逮韓愈輩則是功不藉

文以傳而文或庶幾藉功以傳夫伊犁耆定哈薩

克入降布露特內屬繫郵支于闕下收頡利于湟
中運機可謂神矣二酋授首拔達山歸誠安集延
向化天山有稽顙之臣月窟置占風之吏樹勛可
謂峻矣然人仰功之成而未能深原其所以成臣
所欲闡揚萬一昭示天下後世者則更有進西陲
之永靖也皆我

皇上一人神謨密運以成之既成之後衆始覺悟
悔不早爲敦勸豈知當決機定策之初衆口狐疑
總賴

聰明睿哲剛健中正之大聖人力持一是始克成

此億萬載巍巍之盛烈哉蓋我

皇上之所信者天而已矣天即理也理之所在勢
不能違中人以下每明于事後而暗于事前者中
人多惑于勢之有所難而

上聖則斷以理之不可易也何則我

皇上純孝也至仁也上智也大勇也曷言乎純孝
書有之若作室家既勤垣墉惟其塗墍茨若作梓
材既勤樸斲惟其塗丹雘我國家

列聖繼承重熙累洽乃西顧一隅屢煩軫慮我
皇上陟降紹庭惟祈上慰

先志終致大業不承詒謀式廓所謂

聖人之德無以加于孝萬國之歡合以事其

先故曰我

皇上純孝也曷言乎至仁已溺已飢之心我胞我
與之量惟恐一物或失其所彼準夷皆我赤子詎
忍委諸度外然猶慎重軍興所以三隙可乘而遲
回未發直至勢有可乘決幾以赴于是義旗所指
救民于水火塗炭之中而甌脫遺黎不勝其筐篚
壺漿之慕且前代用兵往往征戍遍于閭左謫發
及于老稚今則兵行絕漠而海內晏然不知有兵

其于民也不特不加賦不增算而已且蠲貸之

詔靡歲不下而賑卹之

恩視昔有加軍行所過預免來歲租庸一切輓粟
輸芻重給腳價而纖毫無累于民此皆從古未有
之曠典故曰我

皇上至仁也曷言乎上智阿逆初降我如不受終
有後患迨師出以後我

皇上密勅周防預令擒勦神幾朗鑑洞徹靡遺其
後因兇渠之反側而適使兩部之削平且旁及鄰
部次第來歸人跡不通之地語言不同之國航賚

西華如存和 卷二十八 四
梯琛厥角稽首惟我

皇上默籌全局預握中樞規絕域于指掌之中而不啻燭照數計建奇勲于帷幄之內而宛如聚米畫沙尤有要者今日之成功總由于葉爾奇木哈什哈爾二城之降而二城之降總由于我

皇上豫定勝算于戊寅六月派兵策應遂得陸續進援內外夾攻使二酋股栗魂驚攜孥遠竄假使非豫調之兵早已在途則黑水之圍且不能解而何有于二城之降二酋之斃哉故曰我

皇上上智也有仁孝之德上智之識而濟之以大勇其定謀也如山岳之不可撼其赴功也如金石之不可渝有功必賞有罪必誅而游移之見絕克敵爲果致果爲毅而選輒之習除故得霆奮席卷而底績奏功也其在詩曰天子之功四方旣平夫宣王之平江漢以今視之其地近在肘腋耳然猶賴方叔召虎以成之豈如我

皇上制勝廟堂運籌密勿料事如操左契尅期捷比轉圜然則詩所云天子之功者惟我

皇上乃足以當之寧徒爲歸美之詞云爾哉 微臣

鄙見所及竊思闡揚萬一昭示天下後世者如此

敢拜手稽首而獻頌曰

天眷

皇帝金界所覆

皇則受之萬方在宥雪嶺東西河源左右負固咸

誅來庭恐後右第一章

天本無心雨露雷霆

帝德法

天爵賞兵刑栽培傾覆因物而行敷奏其勇適觀

厥成右第二章

既克伊犁宣威播德魚海波澄龍堆烽息蠢爾花

門尚留餘孽孽由自作乃不可活右第三章

花門之族實繁有徒藐茲二酋為狼為貙背順效

逆自速厥辜我

皇奉若爰奮神謨右第四章

順

天者存逆

天者亡推上固存邦乃其昌師直為壯我武惟揚

皇天助順大啓新疆右第五章

言攻庫車庫車為梗易將整師迅壓彼境信賞必

罰士乃用命執憲洞幾萬里如鏡右第六章

時維兆惠闕如虢虎因捕準夷遂降布露振旅旋
師直抵回部或搯其吭或擊其脅右第七

牙璋颺逝鐵騎雲排閑如細柳肅若臨淮既得庫
車餘力恢恢建瓴破竹朽拉枯摧右第八

取阿克蘇存沙雅爾烏什和闐傳檄定矣勿憑蟻
封勿恃鼠技碎葉臯蘭望風披靡右第九

葉爾奇木實惟崇墉桓桓我師乘勝進攻初疑道
遠強弩力窮豈知義憤決起為雄右第十

以客勝主以寡敵衆四百餘人渡河飛鞚拔幟以
登奪稍而用暫退築堡堅如鐵甕右第十一

築堡伊何黑水之湄孤軍懸駐賊不敢窺成敗之

分實分于斯神哉我

皇豫定先機右第十二

先機豫定戊寅之夏有備無患調兵撥馬聞信

救援星馳電駕鼓角夜鳴從天而下右第十三

副帥先驅參贊繼至賊人墮膽我軍裂眚箭射訓

狐犀照魑魅遂解長圍遂殲醜類右第十四

譬彼滄溟用灌微燭譬彼衝風用捲殘籜一片降

幡千羣面縛渠魁既跳二城廼拔右第十五

狡兔離穴游魚失濤追奔逐北搜其窟巢窮投別

部拔達之豪彼豪畏威敢匿逋逃

右第十章

笞以尺箠繫以長纓鯨鯢授首來獻于廷金牙化

洽赤谷風清靡凶不殄靡慝不懲

右第十章

咨爾拔達葵傾藿向感甚投醪歡同挾纊梯舞樓

頭師過枕上西極雖遐皆我亭障

右第十章

天門蕩蕩王道平平材官送喜露版遙傳虎臣脫

劍齊唱凱旋

慈寧稱慶薄海騰歡

右第十章

我

皇之功遠邁堯禹德盛益謙歸之

天祖諏吉汜掃親奉尊俎祥光和氣先見壇宇

右

二十章

穆穆紫幄肅肅蘭堂舞我玉梢陳我柘漿神靈懽

喜降福無疆聲教四訖永奠苞桑

右第十一章

綜計出師纔五年耳收兩大部拓二萬里女不廢

筐農無輟耒依古訖今孰媿厥美

右第十二章

猗歟我

皇允武允文親灑奎藻用紀鴻勳我我類璧勒以

翠珉開感之篇直匹典墳

右第十三章

微臣 奔陋敢曰善鳴生當極盛躬被殊榮敬誦舊

什以奏新聲

天子之功四方既平

右第二章
十四章

萬壽聖德頌

二十四章
謹序

昔史臣之頌堯舜曰欽明文思安安允恭克讓濬
哲文明溫恭允塞孔子則曰大哉堯之為君惟天
為大惟堯則之蓋德盛化神上下與天地同流史
臣直指其治之實孔子深歎其道之大其旨一也
欽惟我國家

列聖繼承重熙累洽我

皇上天亶睿哲以聖紹

聖膺圖光宅式是九圍迄于今茲而至誠無息之
理久道化成之效馴至翔洽薰蒸淪肌浹髓四方
風動萬國咸寧蓋我

皇上之德堯舜之德也我

皇上之治堯舜之治也歲在庚辰恭逢我

皇上五十萬壽時則西陲蕩平聲教暨訖幅幘式

廓亘古未有我

皇上覆載生成溥于八埏六幕適際添籌貫昂之

辰薄海騰歡願以區區之誠進効九如之頌者雖

兒童婦女荒陬僻澁無不思得一當焉夫

聖德極于無名此如乾坤之容日月之光繪畫有
所不能罄也頌禱遍于區寓此如候蟲思奮時鳥
思鳴鼓舞有所不自知也嘗竊思之我
皇上盛德大業所以臻于夙絕者有天授之姿焉
有日新之學焉書曰亶聰明作元后我
皇上秉首出之姿有徇齊之美純粹至善生知安
行無思而無不通不習而無不利是天縱之姿也
念終敬典遜志時敏抱純純之性而懋勉勉之學
緝熙敬止日就月將尊其所聞而高明行其所知
而光大是日新之學也蓋自唐虞三代以至孔孟
相傳之道不外一中我

皇上敕幾凝命居則允執其中行則執兩用中以
明通公溥飭化源以仁育義正端治體施之于近
體國經野綱紀足以運轉寰瀛達之于遠赫聲濯
靈智勇足以威懷絕域正朝廷正百官正萬民一
中所孚也無私覆無私載無私照一中所擴也我
皇上實心實政綜厥大端約有三焉一曰敬
天一曰法

祖一曰勤民矢虔恭于夙夜宥密之地如臨如履
恣對越于影衾肅駿奔于壇壝珪俎之間或苾或

芬致潔齋于盱嚮斯我

皇上所以昭格于穆清也盡用人行政之道以監于成憲而家法永垂于以見繩武纘緒之庶合文謨武烈之全以日闢丕基而前光載迪于以徵繼志述事之善斯我

皇上所以陟降而紹庭也寒暑水旱時厯于懷井牧農桑時關於慮蠲租給復截漕平糶之

詔無歲不下而猶常切于已溺已飢河渠海隄疆畎溝澮之修所費不貲而猶軫念于爾畝爾宅蓋凡赤子之待養于慈母也拊畜顧復之保抱攜持

之疾痛疴癢之交通而屬毛離裏之不隔我

皇上之懷保惠鮮噢咻煦嫗亦猶是也而且明實學以造士崇道術以敦儒譽髦羣拔于茅茹楨幹夙儲于杞梓而且時邁省方疇咨民隱量晴課雨親泣桑田蓋君師教養之統我

皇上一人兼集其成于焉視膳而奉安輿問安而承

慈慶尊親極天下之戴色養合萬國之歡猗歟都哉邇治之隆軼羲軒駕堯禹盛矣至矣蔑以加矣夫大德獲福我

西莊台存稿 卷二十八 十一
皇既有以孚契于隱微保佑自

天彼蒼自有以大宏其誕昇小則風雨調燠煬若
大則西域底定建千古之奇功胥賴昊旻篤貺神
運斡旋故犁準夷之庭掃回部之穴五年之間兩
勲並集蓋順

天者昌理有固然所以窮荒不毛之地葵傾霍向
雀躍鳧趨奇肱重舌候月來賓烏弋黃支占風受
吏當茲普天同慶之年正我
皇上萬壽五旬之歲崇禧踵集嘉瑞駢臻健行叶
不息之占率土上無疆之祝臣謏劣陋姿蒙

恩拔擢茲當高呼華祝之期竊慕卷舞衢歌之盛
敬竭愚鄙撰

萬壽聖德頌一篇凡二十有四章其辭曰
大哉乾元太和保合

聖壽無疆鴻休允集繞電摛符流虹耀牒寶籙綿
綿璿圖業業

右第一章

帝基長發德契生知神靈首出端拱無爲虎拜揚
休燕喜垂規詩歌天保遐福是貽

右第二章

於穆
天命聿眷有德惟

帝則之昭事弗斲燿火升中陶匏致潔匪繫儀文
通以呼吸右第三章

皇我

列祖景爍永垂

帝纘厥緒莫丕丕基啟堂斯構築墉斯茨紹聞衣

德永言孝思右第四章

無逸陳圖幾康是勅未明求衣昃晷忘食錫厥庶
民徧為爾德五福斂時永敷

皇極右第五章

皇帝大孝慶萃

萱幃蒸蒸日上孺慕藹藹春暉承歡色養問寢無違慶

霄表瑞芑莆生扉右第六章

皇帝至仁羣生樂育道被翔行

恩周埲黷愷澤旁流滋液滲漉和氣凝休為亭為

壽右第七章

皇帝至誠不息永貞

皇帝至敬強固精明基維宥密健比天行無疆悠

久保泰持盈右第八章

孝治孔彰介福

王母遊豫娛親

恩先黃耆樂只南山稱觴北斗比戶可封咸登仁壽右第九章

皇圖式廓坤北無垠曷章孔厚畢昴通津梯山航海入侍來賓澤以化雨大地同春右第十十章

遼遼西域未被

皇風霆掣電掃車攻馬同機沉

睿慮籌斷

宸衷迎長奏凱聿敘武功右第十十一章

發揮

鴻功

龍章炳煥辟雍西極琳琅璀璨煌煌翰藻牽蒙釋

渙於萬斯年昭回雲漢右第十二章

我

皇作人育爾多士棫樸著化圭璋自矢騰躍菽林

馳驅文軌以引以翼永錫爾祉右第十三章

載申

綸綍載

命羣英拜獻先資咸正厥聲金敦玉琢孔思周情

奎璧振采黼黻隆平右第十四章

帝厘如傷求民之瘼痼瘵一體弗隔以膜征輸屢

除凋瘵罕作茫茫九有愷澤磅礴

右第十章
五章

豈惟租賦

德音疊蠲太倉有粟爾粥爾饘少府有錢爾貝爾

泉凡百黔黎以生以全

右第十章
六章

天錫

皇帝智周萬物燭照幾先神超理窟卓識開迷鴻

裁鎮粹妙物為言明昭日月

右第十章
七章

天錫

皇帝勇邁武湯絕域畏威欵關相望玉環充獻桃

實承筐至剛至大動罔不臧

右第十章
八章

天錫

皇帝學海淵深日躋聖敬允執道心化成以久睿

知有臨阜財解愠風協虞琴

右第十章
九章

純嘏眉壽繁祉紛紜五行金王八月秋分靈椿媿

歲仙桂含芬賜醑合宴喜溢橫汾

右第十章
十章

閭闔晨啓

皇帝臨宇列辟會同羣工蹈舞輯瑞獻琛鳴簫建

鼓進萬年觴膺斯多祐

右第十章
十一章

受祿永綏歷年勿替鼎祚綿休衢謠紹繼鏡獻千

秋山呼萬歲景福歡欣工歌愷悌

右第十章
十二章

時和歲豐乃大有慶德水祥開千年清映洛書秘

啓九疇敘正第祿爾康卷阿彌性右第二章

維祺承祐平格時隆書呈金鑑祝軼華封岡陵永

固箕翼光融

鴻基甌鞏億載延洪右第二章

聖駕南巡頌二十章

維清緝熙詩

帝德廣運書惠此南國詩重巽以申命易時乘

六龍易雷出地奮易典禮不易春秋用民必順禮

適觀厥成詩宣昭義問詩不敢自暇自逸書

皇祖有訓書第一章右

十有六年春秋降福穰穰詩二十有二年春秋率由舊

章詩羣黎百姓詩曰篤不忘書敢敬告

天子書時邁其邦詩

皇則受之書爰方啓行詩乃擇元辰禮春日載陽

詩

錫鸞和鈴春秋

旂旒央央詩第二章右

大孝尊

親禮亦右

文母詩以德為車禮駕彼四牡詩昏定而晨省禮

悉率左右詩安貞之吉易綏我眉壽詩吾儕小人

春秋傳自洗腆致用酒書受茲介福詩德音是茂詩

右第三章

聖有謨訓書不惟逸豫書不作無益書節以制度

易惟服食器用書登降有數春秋傳三事大夫詩毋

或敢侵削眾庶禮毋或作為淫巧禮必循其故禮

簡則易從易有秩斯祐詩右第四章

淮海惟揚州書在水一方詩風行地上易而照之

以天光春秋傳

天子始乘舟禮自南河至于江禮

天威不遠顏咫尺春秋傳民說無疆易至于海邦詩

維水泱泱詩

親往視之禮修利隄防禮

天子之功詩既溥既長詩右第五章

周視原野禮平秩東作書厥土惟塗泥書益之以

霖霖詩桑于公桑禮其葉沃若詩民生在勤春秋傳

執事有恪詩巡行縣鄙禮洵訏且樂詩物土之宜

春秋傳求民之莫詩右第六章

河水洋洋詩居國南鄉詩思其艱以圖其易書勉

勉我

皇詩省此徐土詩大為之坊禮水歸其壑禮後順

得常易厥有成績書祀事孔明詩內平外成春秋傳

永底蒸民之生書第七章

成賦中邦書芒芒禹跡春秋傳損上益下易兆民允

殖書

命相布德和令禮施舍已責春秋傳地邑民居禮日

用飲食詩廣哉熙熙乎春秋傳既飽以德詩百穀用

成書時萬時億詩第八章

五百里米書有截其所詩

命市納賈禮莫不時敘春秋傳發倉廩賜貧窮禮潤

之以風雨易

帝曰欽哉書以穀我士女詩有孚惠心易昭茲來

許詩第九章

惇宗將禮書夙夜惟寅書利用享祀易懷柔百神

詩山林川谷邱陵禮咸秩無文書肅肅雍雍禮式

禮莫愆詩至治馨香書惟典人天書用能協于上

下春秋傳綏厥兆民書第十章

天道至教禮釋奠于其先師禮瞻彼中林詩

聖敬日躋詩修其祝史禮自堂徂基詩厥木惟喬

書 幽贊于神明而生著 易 教尊而官正 禮 惟德是

依春秋傳協于克一 書 天且不違 易 十一 右第

攸服奔走 書 大官大邑 春秋傳 惟

帝念功 書 加地進律 禮 七十而致仕 禮 不家食吉

易 瑕不掩瑜 禮 乃用三有宅 書 蓋之如天 春秋傳 萬

邦作式 書 無小無大 詩 有孚惠我德 易 十二 右第

蒸我髦士 詩 天施地生 易 其風肆好 詩 慶賜遂行

禮 敷納以言 書 以考其誠 禮 論選士之秀者 禮 以

其彙征 易 思樂泮水 詩 遁駿有聲 詩 說禮樂而敦

詩書 春秋傳 展也大成 詩 十三 右第

番番良士 書 黃髮鮐背 詩 白

天祐之 易 行慶施惠 禮 惟金三品 書 時加羞珍異

春秋傳 貴德而尚齒 禮 永錫爾類 詩 民生敦龐 春秋傳

欣喜歡愛 禮 跂予望之 詩 鸞聲嘒嘒 詩 十四 右第

天生五材 春秋傳 保大定功 春秋傳 賞軍帥武人 禮 福

祿攸降 詩 允也

天子 詩 聽德惟聰 書 謹以立動 禮 鼉鼓逢逢 詩 是

彛是訓 書 以習五戎 禮 柔遠能邇 書 是之謂大同

書 十五章 右第

燕以示慈惠 春秋傳 則篤其慶 詩 百辟卿士 詩 濟濟

翔翔禮又何予之詩朱芾思皇詩雲上于天易零

露瀼瀼詩順氣成象禮以近

天子之光書敢再拜稽首春秋稱彼兕觥詩第十六

章

所其無逸書念茲在茲書順彼長道詩一日二日

萬幾書朝夕臨政春秋傳

帝曰疇咨書庸庸祗祗威威書必順其時禮

大君有命易雲行雨施易不遑暇食書惟日孜孜

書右第十七章

地載神氣禮竅于山川禮

聖人則之易以陰陽為端禮江之永矣詩悠悠南

山詩或躍在淵易亦傳于天詩

帝庸作歌書極之敷言書五聲和八風平春秋而

天地應焉禮右第十八章

百執事之人書實繁有徒書匪匪翼翼禮入里不

趨禮官修其方春秋傳民咸安其居禮

皇帝清問下民書受之以中孚詩小大稽首詩式

燕且譽詩大觀在上易何天之衢易右第十九章

帝光天之下書民人所瞻詩式是南邦詩和樂且

湛詩循行國邑春秋傳罔有弗欽書自古在昔詩以

迄于今詩莫之與京春秋傳與天地參禮惟曰欲至
于萬年書以矢其音詩右第
二十章

賦

聖駕東巡謁

陵賦謹序

臣聞肇基王迹貽厥孫謀適駿之懿軌也世德作
求孝思維則錫類之盛儀也

皇帝監於成憲紹聞衣德言凡敬天勤民保邦制
治壹皆歸乎法

祖爰是追淵源於遼瀋感霜露於春秋以乾隆八
年時邁東土肇稱殷禮距茲十有二載

皇帝深維不數不疏之義重軫致愛致慤之忱恭
奉

皇太后發京師蒞留都續修祀事禮成廻

蹕猗與都哉洵所謂申錫無疆勿替引之矣按續

漢書禮儀志西都舊有上陵東都之儀百官四姓

親家婦女公主諸王大夫外國朝者侍子郡國計

吏會陵晝漏上水大鴻臚設九賓隨立寢殿前鐘

鳴謁者治禮畢羣臣就位如儀乘輿自東廂下太

常導出西向拜止旋升阼階拜神坐退坐東廂西

向侍中尚書陞者皆神坐後公卿羣臣謁神坐太
官上食太常樂奏食舉文始五行之舞禮樂闋君
臣受賜食畢郡國上計吏以次前當神軒占其郡
穀價民所疾苦古今樂錄云漢章帝元和中有宗
廟食舉六曲加重來上陵二曲爲上陵食舉蔡邕
獨斷云古不墓祭至秦始皇設起居於墓則漢因而
不改故今陵上稱寢殿有起居衣冠象生之備皆
古寢廟之意也光武受命廟稱世祖孝明孝章藏
主世祖廟而園陵皆自起寢廟天子以正月五供
畢後上陵以次周徧古人立制周密如是要未有
仁孝親義率祖繼繼承承如今日之隆也小臣媿
陋倖逢盛典謹拜手稽首而獻賦曰
天眷有德

列聖重光我

皇嗣服匪居匪康思締構之艱難思安樂之息荒
不遑自暇自逸時求莫而省方矧伊陪京實王業
之始基而

真人之舊鄉曩昭陽大淵獻祀事既將越星紀之
一周宜肸蠁之再通瞻元宮之松柏懷太室之冠
裳有典有則不愆不忘維仁孝誠敬慎終如始故

載舉乎新典而祇率乎舊章蓋吾國家之提天綱而頓地維也肇

四祖而垂謨啓

二聖而光宅規震域而拓基握乾圖而奮迹承帝省於闔門有天作之長白丕赫

世祖遂乃載武旆揚義旗蕩祆彗掃鯨鯢大海匯而萬川歸旭日暎而九土晞曰若

聖祖協帝重華三蘖旣翦戢弓橐戈中外禔福遐邇一家瞻珠阜之鬱葱慕丹丘之鬼峩禮重卜洛義比先河用三駕以明禋協神人而咸和爰暨

世宗繼志述事當守藩而代祀已展禮而定位洎乎受籙膺符敷仁宣義式廓丕基孝思不匱蓋積十三載之憂勤而大禮塵以一至者固將有所待矣由是稽

列祖之灋式聿照耀而炳麟撫紹庭之永念彌對越之孔殷有舉莫廢有造必因禮官具儀練日涓辰羽仗旣飭鹵薄周環誕啓閭闔誕肅勾陳大丙爲衛方明爲藩昌寓御衣大一夾駟步堯趨舜馳湯驟文奉

慈寧而翬衣曜迓

西華女不禾
長樂而春護溫問寢侍膳侍輦扶輪九存爰發七
萃如雲屏以翠鳳之駕靡以魚鬣之旃駟蒼螭之
宛宛兮騰玉虬之跋跋曠天狼之威弧兮轟格澤
之修竿風鳥轉兮揚雲蜺之晻靄華蓋飛兮爛日
月之璘霏案衍澶漫常羊搖裔泛泛而填填兮華
芝葩瑤綵縵而翩翩烜赫滂洋馭沓駸駸總總而
森森兮金鉦瓊釵琴麗而嶙峋時則槐序方調薰
風徐扇經乎石槽之村出乎占北之關將緣南天
之門而屈乎博羅之屯蓋猶未轅夫盛京也先取
道熱河設帷宮而駐辰罕焉爰有逖聽之侶越裳
躅兮拜俯

窮髮黑齒雕題貫胸重舌企英聲望茂實怛威報
德陸讐水慄重譯而受吏縣度而乃達於是期門
飲飛擁盾執戟徼道外週挫桓夾立而呼韓贊普
之倫廼奉琛而獻賫頓首而屈膝歡呼兮蹈舞跋
躅兮拜俯
一人面南離以當陽萬國共北辰之居所事同乎
格苗功駕乎征虓又奚待指南之車與記里之鼓
也哉若夫遵吉林之廣澤修獮狩之舊經將以揆
文講武耀德陳兵鶩鶴張鳥蛇橫魚麗布荼火明
三驅按節七駟列營輜車霆激驍騎電輶拉犀兕

挖狐麋追獬狃斲獠牲割鮮舉醕大庖不盈遂乃
逶迤而方軌容與而結旌望祭嶽鎮懷柔山靈度
縣之儀具貍沉之禮成邁囂耿而底景員沂郅室
而涉豐程爾乃津應析木度躔箕斗朝鮮挾乎其
左山海控乎其右渾河蘇子遶帶而南行黑水混
同襟環而北走包乎元菟樂浪之區接乎挹婁扶
餘之藪香爐寶石勢蚴蟉兮濯龍納鶯鑑澄瀏兮
十方二臺崖峩乎其首兮松花木葉瀑瀑乎其肘
兮於鑠哉是誠亥步之所未分禹棊之所未剖而
孕奇毓異鍾靈聚秀閱億祀而發祥迺流虹而貫

昂于馬卜澗卜瀝于馬迺疆迺畝

皇情有喜宸襟爰舒周觀渤碣披覽輿圖豹尾來
萃雉扇徐驅戢心被志致齋周廬駢牡旣視黜牲
旣儲昧爽將事肅肅愉愉載祀

永陵開運之隅納綠森聳嘉樹扶疎蓋葛燈土障
如初祀時之燕胥也載祀

福陵天柱之都玉衣自舉石馬常趨蓋寶城玉砌
如初祀時之龐臚也載祀

昭陵隆業穹如鬼神呵護龍虎盤紆蓋榮光瑞靄
如初祀時之紛敷也繼序其皇奕世載德先庚已

虞後甲愈惕法盥薦于觀孚占用牲于萃假柘漿
清鬱酒調酌秬粃煇骨蕭陳以瑤席玉瑱奉以蘭
藉蕙肴或燔或多爲臠爲饒廼詔宮懸廼奏謨韶
廼考筭簋廼舞玉梢于以歌永安于以賦王夏函
宮吐角應律合雅砮磬鏗鉤轟虺融冶飲福受釐
奠璧獻斝

列祖居歆昭格上下金支秀華雲車風馬監觀苾
芬錫以純嘏百禮既竣

車駕幸乎清寧之宮則有文德武功崇政篤恭衍
慶永福翔鳳飛龍麟趾列西關睢在東軼南頓之

宏敞逾慶善之尊崇蔭枌榆而測景庇桑梓而交
風爰

賜大酺爰開讌飲比戶各給以牛酒周親序列乎
燕寢甘醴萬鍾嘉幣千品興隆昭其煌煒劈正擬
諸琬琰醉霽淥之觴饗菖蒲之歌而且赦過宥罪
蠲役免租幽明歡欣動植昭蘇吾民何幸得以生
聖人之世托
聖人之居屢覲乎雲日之光華而數被乎德澤之
滂溥也

皇帝睹都邑之盛殷山岳之隱嶙城闕之鉅麗封

圻之遐遠物類之蕃庶人民之樂行高望遠志從容怡衍孰武宜繩孰緒必纘彼薩爾之許鐵背之山穆然見我

祖之破界藩取廣寧拔撫順入開原而鐵嶺葉赫之胥剗焉彼松山鬱鬱鶩渾言言慨然想吾

祖之提孤軍鏖數萬一鼓先登四路煙散而烏龍諾落成入圖版焉鴻勛駿烈輝光日新斷蛇起漢

遂鹿驅秦當重熙之泰運溯草昧之艱辛開創良獨難守文尤不易是故普埏垓以綏懷詒兆庶以

樂利餐太和調元氣六符建極九德致治畢育乎肖翹並生乎喙跂固已篤祐對休覲光揚烈而又

尊
祖敬

宗報本返始文由情生禮緣義起俾仁無不孚孝無不至誠無不周敬無不備然後收四校迴六龍格

太廟告成功開明堂朝羣工斯則我

皇之慎終如始爲孝治之極隆而薄海內外含生負氣靡不從欲風動而於變時雍也維時百寮師濟咸忭舞而作頌曰

祖德宗功慶綿綿兮

聖孫繼武克光前兮合萬國歡以事

先兮爰逮父老氓庶俱踴躍而稱祝曰大禮重新

闔澤周兮沐膏詠勤荷天休兮六合九圍獻共球

兮迺至殊方屬國罔弗延頸舉踵嚮風慕義而歌

曰

一人孝治奏隆平兮光華復旦永清寧兮億載萬

年祚

皇清兮

平定準噶爾賦

謹序

臣聞王者無外故大畏而小懷仁者無敵故邇安而遠至我

皇上祇承大業二十載於茲萬國咸寧九有有截

至於海隅日出罔不率俾維是準噶爾僻處西蕃

迪屢未靖蝨賊內訌番衆襁負來歸我

皇上睿謨廣運

命將出師曾未數月不戰而服豐功偉績振古罕

儷昔商周之詩人頌揚武烈則其詞曰莫敢不來

享莫敢不來王又曰綏萬邦屢豐年至於六月江

漢常武出車采薇杜諸篇鋪陳中興之盛巍然

與天地無極臣以菲薄蒙被

厚恩淪肌浹髓誠宜作爲歌詩以發皇隆懿賦者
古詩之流也謹作賦一篇敢拜手稽首以獻其辭
曰

天祚

神聖六合雍和中外禔福寰宇一家文軌齊乎要
荒聲教訖乎幽遐凡梯航之所能達晷景之所能
加靡弗延頸企踵奉琛獻寶而仰望夫雲日之光
華伊彼西域路甚阻僻依古以來號三十六國姑
墨以南月支以北或稱康居或稱疏勒及準噶爾

憑陵構隙挾隼質而難羈懷蜂蠆以作慝昔我
聖祖三駕西征洗兵條支飲馬長城朔漠青海奠
定底平爰迨

世宗守文受成媿布昭於湯武軼適駿於文聲然
猶夙夜兢惕不遑自寧

命敵干而敷甲期掃穴而犁庭蓋不一勞者不永
逸不暫費者不常寧斯所以蠢茲小醜而致煩
列聖之經營也暨我

皇上繩武纘緒繼志述事惟揚烈而覲光先保邦
而制治勤思乎兼容并包而上法乎參天兩地眷

言西顧蓋未嘗一日或忘乎康濟特以彼未貫盈
故我兵不試于是通貢市示羈縻飭守備謹樊籬
安臺設卡間諜察譏布塹列壘錯若置碁延期月
以暫支持一間以出奇孰意醜類如獍如鴟騁蟻
封以作險鼓螳臂而相持既已自相魚肉致骨肉
之乖違又虐使其民俾士女之化僞則有仗義之
豪率其部曲叩關歛塞匍匐號呼以庶幾乎垂慈
維我

皇上仁聖明聰我胞我與大順大同切飢溺之由
已厘恫瘝於乃躬恥一民之失所不啻納諸溝中

彼甌脫之舊俗拂廬之陋風皆我宇下之赤子而
今適當夫困窮魚被獺驅而赴壑鳥因鷗逐而趨
叢有天莫籲無地可容竊聞

大聖人在上德洋恩普咸引領東望曰庶撫我乎
而何忍獨外之於幘幪不虔秉鉞誰取元兇不清
安宅誰救哀鴻焉有蚩尤作亂而黃帝無涿鹿之
一戰有苗勿率而神堯無丹浦之興戎者乎

皇上乃默啓宏圖潛操神算斥浮議於盈廷開
宸慮於獨斷天順人應事之可乘者時克敵致果
兵之所忌者緩况乎輸誠之蕃部已熟悉其機宜

同處羅之社爾擬百濟之常之我
皇上開誠布公感動心脾新附之衆皆銜恩涕泣
願得一當以効犬馬之追隨於是

命元戎簡大帥分西北兩路以進討而即用其降
將爲偏裨爾乃

臨軒而授方略憑軾而聽指揮禁軍羽林先鋒疾
馳勢速風雨氣壯虹霓張以兩翼統以八旗竟天
霜刃蔽路雲輜連鶩鶴結魚麗統貔貅奮熊羆猿
臂之卒虎頭之兒莫不如湍如嶽若翰若飛第見
函犀七屬浴鐵千羣星流彗掃電擊雷震布常山
之蛇陣驅即墨之龍文蠹長戟而如林抗大旗以
似雲羣旅爭先罔不投袂而起三軍旣拊咸如挾
纊之温過嘉峪之關渡輪臺之津越乎博克大山
之萃嶺經乎他爾氣嶺之嶙峋

王師所過氓庶欣欣黃髮之老垂髻之民効鳧趨
而抃舞同葵向之殷勤人各安其樵牧農不輟其
耕芸奉壺漿以相迓願厥角而爲臣於是鳴鼓問
罪士氣百倍我盈彼竭我奮彼怠倒戈前驅土崩
瓦解飛渡伊犁之河而鼉鼉早架夫橋梁窮追魁
魯之山而草木皆成夫兵隊脫兎暫時囚猿斯在

西華如不禾 卷二十一 三
墜茗危卵更壓泰山灌垤潰螳况傾滄海蓋自
乾衷決策預定成模故摧枯而拉朽若操券而合
符降幡纔豎於絕漠露布已達於

皇都永清烽火式廓輿圖覺日闕百里之尚狹信
月奏三捷之非誣雖有長蛇訓狐封狼貍獠咸執
訊獲醜而載諸檻車於鑠哉洵足宣恩威於瀚海
天山之外而靖反側於蒲河葱嶺之區矣且準噶
爾者承阿魯之苞孽爲額參之苗裔棄契丹北幕
之鄉得突厥南庭之陟草灘柳谷廣輪遥遥葛水
葉河襟帶瀾瀾厥田宜禾漢戍已二校尉之所屯

厥野產馬唐西庭兩州牧之所治其西路則黑山
積鐵白山耀銀火州踏鞞而煙燄沙谷過車而雷
殷其北路則紇干有雀北鞞無駒越凌山而峻嶒
冰雪渡熱海而騰沸龍魚其桀驁也如彼其險遠
也如此自非
至仁如天
至聖如神固莫能決勝九重而伸威於萬里彼夫
漢降樓蘭唐闢高昌或多其勞費或近在邊疆猶
足垂諸竹帛銘諸旂常以較今日之不績夫何足
以相方也哉於是祀

西華女不才
卷二十八
三

太廟薦瑤觴告

橋陵陳金章晉

寶號於璇宮敷

孝治於萬邦丹鳳銜書於北闕金雞放赦於天閭

虎臣矯矯而獻馘羽衛森森以成行方將勒貞珉

編青緗耀琬琰霏琳瑯陋銅柱於伏波軼石鼓於

岐陽武烈既張文德載揚義風吹扇仁聲滂洋巍

矣煥矣茂矣美矣斯則我

皇上所以紹

兩朝未竟之緒而開萬年有道之長者也維時薄

海臣民樂德畏威歡悅欣暢咸翹躍景慕相和而

歌之曰我

皇神武撫窮邊兮師出以律廣幅幘兮我

皇至仁怙冒寬兮救民水火取凶殘兮我

皇大孝克光前兮六合九圍徧尊親兮天眷永固

祖澤新兮億載千祀慶綿綿兮

聖駕南巡賦 謹序

臣聞省方設教

聖人所以求民隱導河周嶽

王者所以察庶政稽古舜典五載一巡狩周官六

年五服一朝又六年王乃時巡惟夏殷無文鄭康成以爲夏殷之制蓋六年一巡狩云孔穎達曰唐虞五年一巡狩取五歲再閏天道大備夏殷六歲取半一歲之律呂周十二歲象歲星一周也我皇上敬

天勤民夙夜不遑自逸曩乾隆十六年春時巡江浙百姓翹瞻仰跂喜溢歡騰野習鞠踞之儀衢盈擊壤之頌陳香花獻芹曝以鉅萬計亘古稀聞普天共慶距今六年再舉鉅典蓋其禮則仿唐虞而其期則法禹湯六年之制云臣一介庸陋蹈德詠

仁榮逾恒品茲當

鑾輿南泣寤寐欣躍不勝犬馬慕主之誠謹拜手稽首而獻賦曰

歲紀強圉日躔娵訾條風應律輕冰解漸

天子乃載展時邁之典復修肆覲之儀法虞后四巡之憲協周官六年之期命太常諏吉日召衛尉庀所司整霓旌之晻靄樹翠蓋之葳蕤八神翩其衛從五輅紛以陸離日御按節星神扶輜屬車九丸左龍右螭帷宮敞以宿設列棊桓以環之儼法駕之祇肅歷廣涂之邈迤將問俗於徐揚重莅止

西華如不刊
卷二十一
言
於江淮堂哉皇哉治本約而澤宏暢上以承
文母之歡而下以慰億萬姓之望也先是雪嶺遐
陬渠搜荒裔有準噶爾者控絃鳴鏑作不靖於西
徼於今數世天啟

聖謨分命武帥揚旌霞明列幕雲衛朶入其阻攻
所不備伊犁朝平格根宵潰面縛溫禺生擒頡利
頒賞獻俘大赦海內自豎亥所未步博望所不臻
莫不傳檄而隸都護獻賫而詣闕門矧夫星紀之
分厥惟揚州肇敷土於禹貢籍職方於成周廣輪
千里既溥且修士食舊德農服先疇緊聲名與文
物甲於海隅被百年之休養沐

四世之涵濡曩歲之春盛典具舉瞻雲就日
天顏孔愉越今五稔日夜以須効華祝於閭左陳
夏諺於康衢於焉槐階卿尹棘院臣僚采輿誦聽
風謠交章封事徹於九霄爰發

明詔舉重光協洽之故事以明年春王正月翠華
南幸用觀風而展義羣臣百姓翹首頓足望吾
皇之來如望歲焉既而淮右浙西偏災入告乃頒
少府之錢出太倉之粟寬正供之租庸留轉漕之
艫舳振困乏恤孤獨徧族閭被夫屋恩汪濊澤滲

西華女不私 卷二十一
澆瘠者以蘇病者以復汜護滋潤何生不育丁男
絕庚癸之呼鄜里餘三九之蓄雖水旱之非時亦
人給而家足而

聖主猶且卹然如失芒然以思詔大吏勅有司止
時巡之役籌補助之宜罷供頓而不事庶康阜以
爲期惟天祐民惟

聖格天民愠斯解我澤如春原隰繡錯阡陌鱗分
桑麻芄芄稔黍昫昫太史占之曰夫有年百室盈
止兆人熙然或忭於野或謳於原蒼顏黃口繫壤
以嬉懷而慕思望

君之來臣工頓首告於

天子

皇曰都哉非予一人之爲其將以溥樂利而敷

孝治也先庚三日令甲疊申省鹵簿之繇飾簡環
衛之彌文凡道路之灑掃與幄殿之設陳但稍葺
其舊置靡所更新金錢出諸內府羞膳備諸大官
却貢獻而弗受屏華侈而弗觀杜因緣之漸防煩
擾之端猶且賜蠲除加軫卹免經過之租稅除雜
派之賦役廣鼓鑄之泉刀添牢盆之鹽筴增倉庾
之積儲阜工商之物力雖千乘萬騎之經行曾不

勞乎供億於是玉鑿乃發春和漸展雪霽神臯天
垂赤巘翠柳倚旒以颺旌芳草藿靡而承輦山程
遙駐水驛徐轉駕鰲艦汎龍舸標翠鳳擊靈鼉長
虹蜿蜒竹捷逶迤望黃流之襟帶循淮浦以經過
爰出

睿算親閱隄工而指視夫防河垂排決之良法賡
清晏以載歌將以續前度之碩畫而永靖夫濤波
奉蓋兮陽侯張旃兮屏翳翩若兮鷗馴於物兮魚
戲越洪湖而達揚子矗京口之金焦沿練浦而屆
長洲渺具區之煙水爾其尋靈巖而陟鄧尉也則
有月露高清雲霞蒼蔚冰茁寒梢香舒花氣暨乎
泛鶯脰而入餘杭也則有六橋桃柳九里松篁射
潮之港弭節之場若夫莅長干而登秣陵也則有
北湖南埭虎踞龍盤攝山屢屨淮水汎瀾凡斯佳
勝花明日麗默數經行悉舊遊地

玉趾重臨金輿再尋春山更暖春水更深疊沛我
民之澤以樂我

皇之心於時山童驂篠而麇至野叟扶藜而鱗集
殷殷闐闐于于繹繹齊傍帷宮同侍赤帟念我
皇祖六度來臨今猶戴夫昭格仰

聖孫之繩武不我遐棄復屢霈乎甘澤肇茲新典
實循舊式我民何幸以手加額惟願時巡之歲舉
而奠我以安宅也且夫德播八紘道式九圍
一人有慶下民攸歸賦政考績

天子之威倘典儀之疎濶俾黔赤其何依况德崇
者業廣地大者治博承平久則慮其養安待澤繁
則勤於求莫同遠邇之風聲察好惡於先覺又何
憚乎遐路之勞而安法官之樂至於方行詰戎選
徒講武考蒐田之文循表貉之舉忽鸞矯而鶴麗
欲搏蛟而剽虎蔑不掣電奔雲銜竿飲羽而且戎
衣久釋穡事宜先始和布令勸相乘權解駢輟御
越陌度阡耕夫荷鋤而佇望饁婦載筐以流連塗
泥厥惟下壤咫尺近乎

天顏當斯時也

聖孝廣

皇仁宣疇不欲進嵩華之祝吟時邁之篇也歟小
臣至微身被

恩暉抱螻螳之微質仰日月而願依螭頭瀑直豹
尾趨隨愧全家之銜戴勗矢報於捐糜寫微忱於
葵藿爰齋祓而陳辭遂作頌曰

帝臨兮九有眷南顧兮孔厚玉輦兮重迎恩滂沛
兮惠我氓耕田兮鑿井繫吾氓兮生何幸瞻
天顏兮懽愉聽黔首兮謳歆吳山兮越水願吾
皇兮歲至止雅有既醉兮頌有般昭
聖德兮億萬春

西域效順大閱禮成賦

謹序

洪惟我國家靈承寶籙德化滂洋六合之內煦嫗
燾育悉主悉臣蠢茲準噶爾誕敢睚眦跳踉侵欵
藩落我

皇祖聖祖仁皇帝翦之剔之亦越我

皇考世宗憲皇帝攘之縻之迄我

皇上嗣撫八紘威神旁魄用綏置尉候以填撫絕
幕迺小醜自作不靖廸屢未同爰

簡虎臣指授方略采入其阻縛其名王渠魁繫頸
以組獻于闕下其或兎脫獸突者旋亦困斃咸伏
厥辜于是四衛拉特略皆底平自伊犁泉回鶻諸
部廓然者定遠至哈薩克回衆胥讐我成烈驤首
翹足遣其蕃臣奉隸版籍惟謹依古以來未有師
行枕席中外謐如如今日者而我
皇上復厘大勲之未易集武備之未可弛申令六

西華如石和 卷二十一
軍行大閱禮蓋自乾隆四年肇新盛典至是載舉
焉前期由湯山行宮行幸田盤駐蹕受降爰以仲
冬甲申朔越三日戊子戾止南苑

皇上躬擐甲胄登臺而涖之八旗都統以下並率
其屬各奏爾能進退止齊燁赫嚴翼質明始戒日
晡禮成而右部哈薩克東西布魯特暨塔什罕回
衆既覲于盤亦得從屬車後立于大次之間仰睹
盛禮咸睟貽惕息不敢喙動猗歟都哉用以承

天眷簞

祖武懾遐裔竄龕暴底功之極軌已

臣海鄙陋儒

孤寒微末荷蒙

皇上拔登上第授職詞垣今歲三月

御試翰詹諸臣

親加詳閱第其高下

臣復蒙

恩擢居第一超遷學士茲當大典重光忝列扈從
忻抃景慕不勝悽悽之私敬作賦一篇庶以敷揚
聖天子宅中圖大經文緯武至意其辭曰

粵稽古帝楹烈龐鴻文敷懿德武纘戎功丹浦築
壇俶始有熊中冀致戮遂賓貫胸因壘訖乎七旬
俘玉及夫三朶策紀徂征之后頌賡撻伐之宗其

西莊如存和 卷二十八 四
戡亂也恃鉤援臨衝之無侮其收寧也必芟舍饕
獸之攸崇斯六合于焉受贄而八埏庸以來同維
我

皇上握元符迓景命平泰階懸金鏡協三無齊七
政合天履中裊福施令抱朴以治含聰以聽圖檢
甄應璿衡揆正吹萬亭毒蠕動游泳含孳萌生成
毗榮慶是以炎屬丹崖朔屆幽都長肱窮髮之部
緩耳雕題之區上德咸被茂仁誕敷懸繩而經絕
徼飛車以達康衢僉懷惠而怛威傾奉義而不渝
蕞爾策旺僻居窮荒勢等昆彌地連燒當風雜傑
昧種兼氏羌朔氣晶以凝白飛沙空而漲黃狀厥
么膺則棲睫之焦鳴也語乃鄙瑣則轉丸之蝓蟻
也何覬覦而暘睽思憑陵以陸梁我

皇上繩武纘緒善繼善述知有機之可乘庶良時
之勿失惟斷乃成羣疑不惑乃攄

宸算決

天策開武庫遣龍頷禡青社閱赤籍出烝徒發戍
役六郡之豪七科之謫影纓之技士短後之劍客
七屬之甲三鋒之戟駢闐砰磕超距投石洶洶隱
隱誓同袍而盡敵爾乃組練萬騎衲服千軍冒羅

頓乎四表巨刃磨乎九旻跨陰山之積霰踰熱海
之火雲剪尉犁鏟谷渾躡賀蘭蹴烏孫獵獬豸捐
夔貳掃祆祲駟埃氛樹土圭以測景定正朔于重
垠大宛聞風怖駭服馴圍廣輪之遼莫胥面內而
率臣乃有回人右部紆阻負遙古誌往牒莫悉厥
繇惴伏奔走九譯賓朝趨于田盤稽首堂坳錫以
嘉讌大官具庖階列頌磬樂鳴笙篳共飽仁而飫
義效率舞于箭韶于時元冥持衡素商饑秋白雁
橫而銜蘆阜雕起而脫鞬冰高靈沼霜凜長楸楓
澹紅殷于隴首桑柘黃落于層邱應時序之肅殺

詔大閱以揚休其爲地也則近據三輔遠俯九服
倚雄關以北鎮撫渤海以東矚闢見離之南苑實
畿甸之區隩神臯繡而互經諸峰藹以遙轟抗中
天以爲臺累周垣之虹屬欲揚軍實先以弊禽擇
飲飛于諸校出中黃于羽林張罝彌壑亘罟緣潯
下掩虎兕上繳鳩鷲射赤豹之蹻蹻斲封熊之駸
駸控塵麋于陽崖拉猱狴于陰岑或應弦以命中
或徒搏以成擒乃簡軍而蒐乘迴清蹕以式臨爾
其下六龍之輕輿翳雙鳳之華蓋翼射聲環宿衛
擁鉤陳簇緹騎舉虵旒曳羽旒搖和鈴激流吹星

游繆旂霓旌承旆揚雞翹之爛編張豹尾之萃麗
捷獵鱗集璀璨綦置揮霍變化縱橫繁會呼若獍
颺動類奔瀨其或堂堂布陣爲方爲圓排鶴鷺魚
麗之形變箕張翼舒之觀彙七萃以開闔修六營
而控圍其或礮車轟較煙氣隱嶙乍火爍以雷燿
旋鎗進而霆振焰歛山以將翔勢欲野而未燼夫
何般總總以離合今孫吳頗牧並駟而相迎也夫
何鴻淋淋以沛艾兮鄂褒英衛交綏而爭衡也比
至三宮九宮之旣殫六伐七伐之載更下綏而止
徒御鼓駢而捲旆旌猶且案衍溶裔剽佼拘怒而
未平然後返轡乎沕漠之府息神于沖虛之庭顯
若有翼愴爾感精員穹降祉富媪効靈將騰聲以
蜚實永篤祐而集慶且夫治兵之制兆自皇古周
官謂之簡稽月令詳于講武或以章軌物或以習
射御當三時之暇景曾不廢夫農務故楚有熊丹
之兵齊有高國之鼓矧一統以無外其可忘夫固
圍維我

皇上軼軒駕禹視聽聰明德施周普乃猶治益求
治不遑寧處當九有之會同厘萬年之深慮
親莅戎行大陳禁旅蓋非特以示威稜而實以豫

西莊始存稿 卷二十八
備禦故克斟酌古今聿垂盛舉于焉西靖月窟東
迄日域執兩用中錫福建極雖瞻洛與車攻羌猶
未足以企及敬作頌曰

帝德廣運文武聖神流沙遠被渠搜來賓有狡其
首殘彼準人爰犁其穴以拯其氓衝車百道剷壕
平闔陸網如天旗旛如雲由蘄旣殄以服大宛大
宛芒芒亘于西東東旣受欵西亦來同鳧趨魚喁
職貢是共葵傾藿向畢朝于宮用景懋德用懌膚
功膚功旣集永臻昌期維

帝夙戒武備其咨南苑嗟我張皇六師疾霆迅焱
車駭馬馳蕃君貊長稽顙受釐稱觴奉贄用希

皇慈

皇慈所溥乾端坤維元德怡怡庶類熙熙於千萬
年永禔丕基

西莊始存稿卷二十八

西莊始存稿

卷二十八

四

西莊始存稿卷二十九

墓志銘

處士姚君墓志銘

元和縣學生姚某持其考處士君狀暨少宰博陵
尹公所爲傳來請爲文志其墓君素以孝聞吳中
吾耳熟焉旣閱郡志得君行事梗概而今復得其
詳信乎君之孝履險犯難不以死生利害怵其志
者也君諱易修字象亭家苦貧竭力以奉父母一
日鄰失火君他出歸亟抵家火已延燒其屋君冒
火突入負父出又入負母出髮盡燎兩足焦爛而

父母俱無恙父嘗客浙閩總督范公承謨所會逆
藩靖南王耿精忠反承謨死之悉囚繫其幕府賓
客君聞父被繫馳至閩號於軍門啣指血作書願
代父死賊執以見其帥詰責再三無異辭賊爲感
動乃釋父而繫君于獄頃之賊脅使降君爲陳說
天人順逆之理賊怒欲加害君慷慨拊膺曰得從
范公死義也復何憾延頸受刃無懼色賊不能屈
復繫獄康熙十五年九月 王師至脫歸先是君
之母聞變悲泣兩目盡盲君歸晨起輒爲母吮之
月餘昏翳漸退目復明嗚呼君之抗節不阿以全

其爲孝要惟志足以帥氣故湯火刀鋸在前趨之
如飴彼平居循循無過粹臨生死利害之交而蕭
然疲役非其見理之不明亦無勇而已矣曾祖圭
贈禮部右侍郎圭生汝軾汝轍汝軾生光瀚候選
訓導光瀚生宗甲君考也汝轍生希孟仕明熹宗
朝忤逆奄魏忠賢有聲沒謚文毅君從叔祖也卒
于雍正四年某月日年七十有七以乾隆十三年
某月日葬武丘山側娶某氏子一人女一人孫男
四人孫女三人銘曰
若堂者封姚君之宮書其一節足以維風

海州知州黃君墓志銘

君諱建中字懋德姓黃氏陝西咸寧人由諸生中
雍正乙卯選拔貢入成均今

上御極之元年 廷試引 見命往江蘇以知縣

用歷震澤嘉定無錫吳元和長洲陽湖凡七邑所
至有惠政在民乍擢州牧未之任而卒其卒也以
賑災理煩盡瘁職守馴至羸瘵竟不起殆幾于古
者以死勤事之義以故遠近咸哀思不置方其在
嘉定也懲豪強以戢良善儲倉粟以備凶荒濬城
內清鏡塘野奴涇呂墅溝諸水以濟行旅資蓄洩

人咸稱其治可繼當湖陸清獻公旣調任民扶老
攜幼遮道攀轅皆飲泣失聲長洲吳元和皆首郡
治所繁劇甲于通省君赴事勤敏民間利弊殫心
籌畫城內三橫四直河歲久淤積君設法開浚太
湖濱有灘漲田田去糧存久爲民累君核實陳請
蠲免上官難之君爭之甚力卒得請又以社倉爲
積貯要務推誠勸輸積至萬餘石民享其利吳之
光福鎮鳳鳴岡有古寺曰福慶旁有陸墳陸姓欲
攘其地數十年結訟不休君親往勘斷歸寺塵案
頓結江陰惡少某誣常熟民陳姓以姦事獄已成

大吏檄君再鞫君廉得實遂釋之其聽斷明決多類此已而以公事呈吏議士民保留不獲旋得旨入覲仍以知縣用時海州水災被檄往賑見民采食柘實榆皮諸物取以告監司復蒙加賑一月賑務竣補陽湖令相繼丁父母憂扶櫬歸囊橐蕭然道中恒步行至百餘里喪葬畢因公事至江蘇適淮安被水大中丞陳文肅公奏留君賑清河桃源安東三縣嚴冬風雪賑所在黃河岸側僅設一蓆篷君黎明輒先步至以待饑民無濫無遺全活甚衆丁卯秋崇明海溢浮屍遍野漂沒田廬

無算君復往賑方病星夜馳抵劉河口風浪汹涌土人勸勿冒險君曰數十萬生靈待命方殷遑惜此身哉毅然航海至崇力疾視事晝夜不遑寢食者幾匝歲崇民戴其德爭刊石頌之而君疾漸至沉痾者實基于此再補陽湖令知邑向有役田起明萬歷間巡撫胡公因民運爲累每圖置田若干收其租爲運費名曰役租後糧入官運役田變爲民田租額仍在乃均攤入民田君亟請于上官後奉恩旨蠲免于時君在江蘇先後十四年矣督撫交薦陞知海州事而君舊疾增劇遂卒于陽湖

君雖不讀書天性愿慤宅心和厚行修于家庭品
重于鄉黨本是以出治溫然愛人急民事如身謀
所施不究食其德者亦已博矣其善政不可枚數
而焦思勞苦沒身而不悔則尤在賑災身後家無
儋石儲重以核減公用逋累數千金弟文中號呼
求助蘇常二郡民踴躍代輸惟恐後洵乎公道在
人廉吏不可爲而卒可爲也君生于康熙四十一
年六月一日卒于乾隆十四年四月三日年四十
八曾祖甲選祖用臣父崧皆潛德弗耀娶張氏處
士學禮女有賢行公沒後力持門戶艱苦備嘗凡

八年而卒年五十五子一階樹太學生娶張氏庚
戌進士河南祥符縣知縣淑載女孫男一繩祖聘
王氏諸生時泰女孫女一階樹以丁丑冬十一月
奉公與張宜人柩合葬于長安縣後坡砦之原以
狀來請銘憶君令嘉定予方垂髫應童子試君大
加愛賞後遊吳門客君署二載遇予良厚銘非予
孰宜然文章者天下之公也虛詞綠飾欺天誣人
何足傳信 本朝百餘年來循良吏不多有以予
所見聞君實足當之此江蘇數十州縣士民之公
言非一人所得而私也謹據實撰次無一字溢美

後有覽者知予言之可徵銘曰

孔稱善人不必踐迹德基有恒質近聖域孟稱樂正善信之間惟其好善治魯無難嗟世既降俗尚佞邪所謂善人公其是與起高才生試手爲吏外寬內明忠信慈惠霸守潁川高盖見旌公堪繼之胡不永齡雖不永齡所去民思琢詞貞珉用眎來茲

封文林郎翰林院檢討温君墓志銘

乾隆丙子正月封文林郎翰林院檢討温君諱德厚卒年七十有七子尹亭先生如玉方奉命視

湖南學政既歸治喪狀君行事以書抵門下士王鳴盛使序而銘之竊觀兩漢碑銘多出門生故吏手若費鳳魏元丕高頤至爲制縷服其厚如此末俗之薄銘誅多濫大抵如杜甫所云家人賄賂詞客阿諛者至所親或無高爵則扳引達官列其頭銜以爲光寵夫銘以紀實也舍其親暱而取於不知誰何之人不已偵乎今以君少孤貧違鄉土觥觥然矯尾厲角發光埋照類古獨行君子之流是固有足書者而吾師交游多乃不乞銘於當代顯人而下取末學晚進之一言嗚呼斯可見君父子

間以道義文章爲繩檢不屑屑流俗而亦不以流俗待予斯予所以不敢辭也君字德章先世自京師徙永平撫寧城南又徙城北台頭營祖珂學考起龍妣陳恭人並早世遺田宅悉推予其兄獨慨然有四方志東過齊魯南至甌粵所至與其賢豪長者相結中年後客淮陰入貲爲郎河督某公奏以急公辦事之員留河工效用君不樂從宦旋謝去淮陰居南北衝賢士大夫舟車交錯士重名節喜讀書樂其風土遂家焉君故鄙章句帖括旣屏居掃軌專意讀史至古今成敗得失輒奮髯抵几

攘臂出其間又好魏伯陽參同契手校至三四過號爲精審其教子最嚴五夜燈火親督課至漏下數十籤以爲常吾師成進士讀中秘書歸君猶日令誦通鑑數紙矻矻不異諸生時居恒嘗稱曰士不讀書砥行雖位通顯適成爲鄙俗人而已故君律身訓家一以古人爲法而吾師蓄德振華涵衍泓迤遂發聞於時若振鷺白圭表映一世蓋家法然也君性好濟物淮陰比歲不登民舉子或不育君爲營育嬰堂雇乳婦近百人分乳遺嬰歲活千餘指又設義阡以葬骼胔立鄉塾以教僮幼戚懿

以急告無不應鄉人遊宦者或假館至終歲亦無
德色醫藥錢布冬湯夏茗之施無虛日力所及者
即爲之素不問生產橐中實無餘貲也猶憶予登
第謁師邸舍顧視四壁插架爛如冊府訝師無長
物何蓄書富若是師曰此吾親教也見一秘策解
衣質庫得之以貽予故至此自後數過從每接家
書呼予共讀之皆教以行己立朝之節語不及私
師曰中朝官雖多至家書皆可示坐客恐無若吾
家者然後知師之所得於庭訓蓋如此君娶周氏
早卒繼娶許氏處士爾吉女賢明識大體相君力
行善事乾隆十二年九月前卒子二長即尹亭先
生乙丑進士選庶吉士授翰林院檢討改監察御
史擢禮科給事中次如暄女二長適李某次未字
卒孫一煦春孫女二銘曰

北平郡墨台躅兔耳山連楸子峪地雄尊風秀淑
篤生偉人拔流俗辭家銜旅舟車南窮粵嶠東青
徐季布諾陳遵書披露肝膽軒眉須居楚州甄咨
籍義府書田德爲宅有賢媛佐巾幗提甕挽車畫
枯荻誨爾子爲王臣入而納言出校文梁孟匹
湛侃倫勒銘元堂永不湮

知柳州府事袁君墓志銘

乾隆辛巳四月前知柳州府事袁君卒于里第年六十有九君雍正間循良吏也初由兵部武選司郎中出知廣西平樂府事平樂直萬山中民徭雜處頑梗難治君耘耨豪強刮摩垢汙無所回枉屬邑有二令負貪恠聲然能事上官方以卓異薦君廉得實慨然曰余奉

天子命守是邦若有所瞻徇而不敢擿發如職守何擇其尤者通揭一員合郡股粟中丞某公無如何移彼令他郡後其人犯贓昭著終挂彈事某中

丞謂袁知府直始心折焉平樂俗多行蠱前守以蠱不能殺人疑獄久不決君坐堂皇親驗真偽命取一雞投以蠱雞登時死遂焚其蠱獄始定一時吏役見者皆恐中毒驚欲散去君獨核實定案毅然不避而邪亦不能侵也總督鄂公行部至廣西語寮屬曰袁平樂居官可爲諸路法疏薦于朝遷知柳州先是君之考嘗守柳州君隨侍有年至是踵前迹柳人以爲榮郡城南門內兵民所居皆竹房時有火災君爲捐置生息銀次第改作成瓦房民呼爲袁公街郡北瓦塘與湖南界犬牙相連有

盜據深山中不可捕詰君往勘視深入叢篁密箐數百里搜得巢窟事遂定又有江中盜既就訊其渠逸去株連多人君鞠之得情悉釋不問其強力幹略多此類也黔中古州苗變撥廣西狼兵會勦將選賢員督之同官皆不欲往君自請行抵古州主帥哈公尚在他道未至總兵官韓公即欲進兵君以苗人本無能爲或有所激而動且大兵未至遽深入溪洞恐兩軍不相應反爲所制不如俟大兵至檄苗人應徭役彼不應則逆狀已露明正其罪兩軍夾攻平之甚易如已順命當設法撫馭無爲草薶禽獮之韓公如其言苗果應役遂撤兵君在粵數載威愛並濟釐剔積久疑獄平反讞決不避勞怨案無留牘獄無滯囚遭父憂上官惜其才欲留之在任守制君涕泣籲辭即日匍匐歸七千餘里未匝月至痛不得視舍斂服終奉母遂不出嗚呼君可謂循良吏矣蓋聞本朝吏治之善由上酌民言也

聖祖行幸畿輔郡縣父老迎于塗則止輦問令長賢否心識之大吏所薦與所聞讐者行取超擢故靈壽知縣陸公隴其清苑知縣邵公嗣堯三河知

縣彭公鵬咸受特達知

世宗皇帝念郡縣爲親民吏益重其選不拘資格每簡部院中才異者臨軒親遣之君爲尚書郎早以才受知故簡任爲郡守賜御書及貂皮寵其行信異數也君果能茂著聲績雖遠在桂管而駸駸比三輔烈詎不偉與君諱承紉字懋嘉先世自直隸棗強遷山東長山考景芬分守陝西平慶道按察使司副使君以覃恩誥封中憲大夫配石氏繼配李氏封恭人子男一守鈿弟戶部河南司郎中承紱之子爲君後官戶部山西司員外郎予與君猶子今廣西按察司使守侗爲同年友相善也以狀乞銘銘曰

君之出也

世宗命之曰汝勗哉惟李衛是師李由宮保浙閩作鎮君以曹郎出牧邊郡禮絕體殊似非其分君之幹練與李比倫君之清正視李更醇彊直自遂進于古人寧惟當官內行亦完鬱彼松楸葬于長山後之過者咸指而目之以爲茲循良吏之阡

唐八繡王八千墓志銘

墓銘之作古無兩人共一文者有之自葉正則銘

其友陳同甫王道甫始以兩人之志行同也唐君
八繡王君八千同爲蘇州常熟人八繡長于八千
二年里中呼爲二八同爲諸生而交最暱八千不
見八繡則不歡八繡甑中生塵漫不問而獨時時
走覓八千相對劇談連日夕不休兩人工爲詩八
繡語皆獨造務爲卓詭而八千綺艷婉縟其清新
拔俗則同也書畫亦並入妙品性儻蕩無羈檢仗
氣振奇不樂居城市多從緇衲黃冠往還荔牆杉
屋荒墟廢村寂歷無人之境輒流連旬月久之厭
去遷轉無定處間遇博場酒肆亦或闌入浮白呼
盧拍袒狂叫以爲笑樂屢試于有司卒不遇累歎
大詫咯咯然伏以死無弗同者獨八繡好遠遊依
人入蜀行峻峽中百丈忽斷舟從怒濤巉石間倒
流而下幾不測居三載流浪慕歸一發于詩歸而
貧益甚則跳身遊京師渡河舟覆伏船背行十數
里遇救得生旣抵京從人兩人木蘭一至吉林八
繡不習騎而吉林地多塔兒頭者蓋泥淖中水草
交結當鞭馬疾過遲則陷八繡幾陷復出其危困
如此而久不歸八千深恨之貽書詰責謂其違性
而徇俗非全身養壽命之道八繡未能用果客死

京師而八千獨終于牖下八千以母病奉湯藥積勞鬱得疾而死蓋八繡死于遊而八千死于孝惟此爲異然兩人之年則皆止四十一王子曰予交兩人不如兩人相與交之深然皆予友也從葉氏例合志之八繡諱黼廷父自江右來遷早孤盡讓產于其庶母弟而已常忍飢八千諱大椿烏目山人王翬其曾祖也父早世無子母江氏守節踰年伯氏生男以爲後即八千也八繡卒于乙亥九月八千後二年而卒予于丁卯歲先識八千于金陵及來京師交八繡夜風雨共被臥聞牆外丐者乞食聲甚哀予蹴八繡足曰聞之否子猶勝于彼何感焉八繡怒曰唉子之不知我也彼甚豪我敢望耶子請其說八繡曰彼乞而得食則飽食不得食則掉臂去槁而死無不可者我則安能嗚呼其可悲也夫世之富厚燁赫康強壽考者凡福靡不備而兩人之困至于此何其相懸也或慕權勢爭名利貪而不知止以傷其生亦其宜也兩人浮湛隱約安飽以終天年宜若無難而至于此蓋才與不才自榮自彫天皆聽之都不省記如是焉而已矣其可悲也夫銘曰

西莊如存稿 卷二十九
或歲晚而猶妍或日及而遽薦夫孰知其然也或
萬錢而一膳或甘蓼而嗜炭夫各適吾願也非入
廟之犧而亦不得爲曳尾之龜有孔翠之章而亦
不以虞羅而見戕斯蓋造物者之所忘乎而吾人
之所傷也虞山之里尚湖之滋慧鬼頑仙一止潛
翳生常比影死當連袂文章何處哭秋風萬古才
人同一喟

江慎齋墓志銘

慎齋江君葬有日嗣子源持狀請銘予觀君之生
平雖厖厖伏處未究厥施然其赴親急難蹈險若
夷至性實有過人者而其他善行尤多予以狀中
語徵諸鄉之人而信是宜銘按狀君諱文彬字爾
修慎齋其自號也先世居歙高祖諱師威始遷于
蘇曾祖諱大儒祖諱燦父諱國正並有潛德君父
嘗置洋船若干艘估客雇船出洋則收其直會一
船出粵東遇颶風漂沒向例船漂沒應報所在有
司轉報本省粵東報遲本省官疑其詐飭訊船戶
之未歸者有貪墨令索重賂不得遂頌繫君父于
獄君慷慨乞代繫累請始得而君父以悒鬱致疾
卒君扶父櫬歸里方治喪而貪墨令罷官過蘇復

索賂君痛父之沒由貪墨令憤甚具狀陳懇吏從中持之案懸三年不得理君不勝困乃以元日懇于行省鞭箠交下君不肯退大吏詞得憐之乃爲懲貪墨令而罷當是時君年甚少痛父以无妄抵法奮然出萬死一生之計號呼營救獄未解常待質於松江及浙江寧波君往來二郡間涉風濤冒寒暑無少懼傾其貲危其身無少愆孝子之名滿人口云君父家旣破君所受產不及儋石而能自力以起其家中年以後復致饒給僮俛喪葬必誠必信哀慕慘戚不懈益虔記所謂見似目瞿聞名

心瞿者於君有焉家祭輒衣父所遺衣曰吾親靈爽或憑冀以格幽冥也自始免喪迄終身皆然稽諸禮守祧掌遺衣服將祭各以其服授尸尸之廢也久君蓋得其意矣君又嘗捐所居宅益以他產公諸族人俾收其租以奉祭祀撫張氏之甥與已孫等以養以教俾至于成立三族姻黨貧不能自存者必爲謀生計待以舉火者恒數十家負之者或累數千金夙券塵封不復檢視也君以子官

敕封儒林郎乾隆己卯十二月某日卒于家年七十有九娶顏氏處士昭昇女賢明識大體事尊章

以孝處妯娌以和待妾媵以惠卒於乾隆庚午二月二十七日年六十九 敕封安人子三長即源候選州同知次溶次濟皆前卒女二張某程某其婿也孫男五人大本貢生大掄大業皆太學生次大來次大和孫女四人婿錢侏陳大綸程瑾其一未字曾孫二人元煜元倓墓在元和縣九都十三畝垂字圩山塘淶溪嗚呼不愛其親而愛他人者謂之悖德君能赴親急難奮不顧身其深愛如此故能分其餘愛以芘株其宗黨可謂厚矣然予竊歎今之時生齒日以繁物力日以蹙素封之子轉盼或不自保有欲行其德而力弗從者焉君用計然術以殖其貲而卒遂其志不已難哉假令閭里之中多得如君輩者以相與攜持固結而不忍去則風俗日以厚惜乎如君所行者在古人爲疏節而今日遂不可多覩矣斯尤可感也銘曰

三物六行孝最先睦婣任恤誼本連大道旣隱人頗偏貨力爲己私自專其親旣薄靡不捐相調相救何有焉擾勸德色乾餼愆江君重親謹致歡臨難匍匐求雪冤虎頭可料鬢可編奮呼白日張空卷精誠徹天金石穿愛親之餘逮孤鰥舊姻新特

西來如存和
卷二十九
同憂患噓枯吹生庇邑廛吉人長者澤乃綿淥溪
一曲搖淪漣若堂者封江君阡我銘維實志勿謖
停澆激薄風來賢

泰安府通判衛君墓志銘

澹園衛君爲泰安通判以卒繼配安人張氏執喪
沒於家其孤卜葬有日矣寓書京師并以狀來求
志其墓余與仲君晞駿同年進士因知君質行君
子也其承家以孝聞當官以勤惠第上考卓然有
古人風烈是宜銘按狀君諱萇字慕蕤別字澹園
始祖全由山西太平遷陝西韓城十四傳至楨固

明崇正甲戌進士河南道監察御史巡按直隸殉
國著節是爲曾王父王父執躬大理寺寺副考仲
舒由諸生入太學以君官 勅贈文林郎棲霞縣
知縣妣李氏 勅贈孺人以康熙二十九年正旦
生君賦材瑰特績學纘前緒雍正甲辰舉於鄉後
二十七年選授山東棲霞知縣三年膺卓異薦又
三年遷泰安府通判又二年以勤事卒於任其治
棲霞也勞心撫字民安其教去久而彌思嘗歲荒
開廩貸民不待報可人或怵之勿顧也時方有開
荒之令他邑報墾動以千百計而君所部獨無其

言曰地荒必不毛者終爲民累吾豈以此邀功哉
在泰安日值所屬七邑旱蝗力疾往來督捕所親
憇之少休則曰怠官事則欺君玩民瘼則不仁欺
上且不仁不如死洎災平而君疾益甚果遂不起
矣未壯而孤母李孺人末疾臥牀二十年性好潔
婢妾皆不得近獨君執事左右後館於三十里外
間一二日歸省皆竟夜趼足往返故數學無廢而
竟不使母孺人知其勤且貧也清約自奉在官終
不使過之歿未幾而其孤至無以自贍蓋非有所
矯飾而然方今海內無事吏道廓清而忠信之長

慈惠之師悃悞無華與民休息尤其不可無者君
以儒者試手爲吏雖塵塵翱翔一邑一倅間未究
厥施其所以摩撫斯民者不已博歟夫循良吏凡
以爲民而已怯於擊斷者必勇於拊循弱於毛鷲
者必彊於保障君固溫溫長者及義形於色確乎
不拔然後知其非徒以响嫗效小不忍者也君元
配安人晉氏早卒繼即張安人諸生廸倉女侍姑
疾孝謹不怠年未三十髮盡白復以儉德佐夫子
於官得內政之大者其他可無備著云君以乾隆
二十四年八月初三日卒壽七十安人之卒後十

有四月壽六十有五生丈夫子四長昂駒太學生
次晞駿乾隆甲戌進士儀徵縣知縣次先甲不祿
次先庚太學生女子子二皆遼士族銘曰
天佑忠貞俾其後之達也繫裕政以和民何惻怛
也藹乎仁孝之施庶不負所學也安人賢哉蕢襄
閨闈合祔韓原樹之松栝芑後嗣人爲清白吏先
生猶活

西莊始存稿卷二十九

西莊始存稿卷三十

塔銘

上人明玠塔銘

上人明玠字燦海俗李氏直隸來水人十五出家
海淀清梵寺主接賓客而玠志在參究宗旨遇諸
方耆宿至寺殷勤諮請有所得則籍記之廣濟寺
見公岫雲寺洞公能習戒律玠成就而問業又從
觀音寺心公天寧寺衢公大覺寺音公學禪久之
若有所得遂北遊清涼南泛普陀一時學人無能
折其角者玠亦自謂西來意不過如是歸而卜居

青龍橋西之方菴耕田自給若將終焉雍正十一年

世宗憲皇帝聞其名 召入內廷親加扣擊駁辨再三玠爽然自悼其學識之卑陋涕泣叩首求益憲皇帝嗟異之特命主柏林寺先是妙偉俊公開法于柏林爲京師第一道場而門庭孤峻禪侶皆莫能津逮者於是獅絃失傳俊公臨示寂時座下堅請付巾拂俊公曰勿憂三十年後當有大聖人以法嗣賜我至是果驗且詔賜紫衣鉢盂拄杖數珠如意等物玠住柏林二十餘年乾隆十九年甲

戌十月十二日端坐說偈而逝世壽六十有四僧臘四十有九其嗣某等塔而藏之來乞銘予嘗觀法華佛于無明有漏諸人皆廣爲說法獨惡增上慢者蓋增上慢之人挾其私智自以爲足雖佛亦無如之何吾儒之言曰好問則裕自用則小又曰學然後知不足佛之道雖異于儒然儒之所斥者自用而佛之所絕者增上慢則一也方玠之遍參南北而歸泰然自足殆幾幾不免增上慢之習一旦遭遇
大聖人痛加喚醒始能窺透上乘此可以添彼法

西華如存和 卷三十一
中一重公案矣不可以不書銘曰
早遊初地遍涉諸方一肩瓢笠三宿冰霜已通辟
支未究正覺幸遇

聖人法雲照燭如彼窮子忽得衣珠如彼化城忽
逢寶車道大如天

聖性如海挹海之深窺天之大概誠既徹遂爲大
師

帝命主講住錫于茲脫屐金沙拂衣雙樹幻影雖
空元風足慕峨峨宰堵鬱鬱曼陀以詔學子慎毋
自多

靜默寺僧海寬塔銘

靜默寺在西華門北長街之西故關帝廟也已頽
廢康熙四十九年

聖祖仁皇帝念是廟近在宮垣外不可聽其傾圮
特命重建并發帑金印造藏經五十一年落成
越明年賜今名又賜御書璿樞轉福四字額
于時僧海寬實奉命住是寺海寬者字沛天直
隸易州人俗崔氏九歲祝髮于定興彌陀寺其後
入京師習維摩法華及唯識論性敦樸且熟曉法
門掌故以故受知

聖祖嘗以誠實稱之暨

世宗憲皇帝

今上皇帝並不廢禪宗以莊親王通淨理命統攝象教王嘗倚寬集其事雍正十年唐古特進梵經至勅于宏仁寺譯漢文旬有六日而成十一年命修趙州觀音院寬所畫殿宇堂寮之制皆中法式其後復命校南來書本藏經于華嚴經尤詳更定文義五十餘條又以舊刻藏經多舛譌集義學沙門五十餘人開館校刊

今上皇帝復命取全藏呪語用滿洲蒙古西番同文韻統字纂輯先後凡有編校寬檢勘之力居多莊親王奏以僧錄司印務命寬攝之甲戌春寬卒凡住靜默五十年世壽七十有五寬雖歸空門然葬其父于青楊山躬執畚鍤居母兄喪能盡哀遠近儒者多稱之性好濟物齋施之餘輒以給餓者良鄉縣壽因寺茶棚房山縣崗窪村石橋皆其所構也所著日解便蒙瑜珈施食儀若干卷銘曰蒙恩三朝居然古德誠實之褒緇衲是式今安往哉石火奄熄饒舌無嫌荒辭用刻

行述

西苑女存稿 卷三十一
顯妣朱太淑人行述

天乎痛哉先妣太淑人之卒也鳴盛匏繫一官妹氏亦隨婿宦京邸皆不得視含斂在側者獨廷諤一人也鳴盛歸里治喪家君子命之曰汝母壺行頗有足稱老人悼傷之餘不能執筆覩縷小子識之其可哉愚兄弟退而追憶舐墨伸紙淚泫泫下念先妣所處人見以爲安常履順實則艱辛困瘁畢生無一日暇逸以振家業而啟後昆有倍萬過人者先妣太淑人姓朱氏諱孝行一朱氏聚族居黃浦之上殷家行今隸寶山縣以耕讀世其家曾

祖凝中字定生處士早卒祖子尚字義先伉爽饒幹略積貲產樹行誼鄉里重焉子金銓字大宇爲諸生有名援例貢入成均選授江寧府儒學訓導太淑人考也太淑人爲人端直樸厚習勞惡逸嗜辛忌甘生長富室無綺紈之好自髻及笄不識中堂門闕率婢子躬操作無間晝夜寒暑吳下瀕海地產棉民多績棉布爲業太淑人所製特堅韌中尺度市價幾倍之而太淑人精力絕人日下舂可得二疋薄暮篝燈就機比漏下數籤第三疋復過半矣義先公家日益饒田數十頃臧獲數百丁太

西齋類稿卷三十一
淑人視室中物非大人賜而自取則耻之惟所績
棉布十取其一若雇直然及嫁篋中裝百餘金皆
十指辛勤出也寒家自先曾王父播遷無寧居先
王父客授於外挈家累自隨及官京口謀買屋于
嘉定城北之清鏡塘而太淑人來歸出貲佐成之
先王父筮仕年已七十家君子隨侍杖履太淑人
偕焉先王父涖家嚴子婦稍不當意譙讓無少貸
而太淑人勤恭恭恪動合法程于饘醢滫瀡紉箴
補綴饒爨漱澣靡弗治也先王父喜曰介婦賢吾
家其賴以昌乎先王父年八十二致仕歸卒太淑

人助家君子庀喪事必誠必信勿之有悔其時雖
得一屨庇風雨而負郭無田甑恒生塵服闋後歲
在壬子家君子應試金陵海水大溢漂沒田廬無
算寒家雖居城而水至堂下魚遊階除間中夜屋
垣砰然壞廷諤生甫匝月太淑人抱之立頽簷下
伺天明覓數錢市饌餽三四代朝飧焉家君子爲
諸生行省試屢被擯授徒不贍用是重困性儻莠
不問米鹽凌雜梱以內悉委太淑人太淑人檢括
囊箱斥去奩飾下至相複中帚蚊幃之屬悉付質
庫冬不爐夏不筴蒿簪椎髻力操作績棉布以爲

西莊女不私 卷三十一 六
常鄉人用豆作乳棄其渣太淑人取爲糜粥或雜
以南瓜作餅噉之其攻苦食淡至此以故凶歲反
得稍贏餘而田蕪價賤乃以其間買得數十畝及
歲豐雖有贖去者其未贖者遂享其利太淑人居
常不肉食憫鳴盛等讀書勤苦間飼以肉已則偶
取汁澆飯而已鳴盛十一而試于有司冬無複襦
太淑人一夕手成之手皆龜裂皸瘃血濡縷縷然
然且晨起提甕汲不言憊也家君子同產四人第
三世父諱臺失業無倚賴太淑人減口以餉伯父
卒伯母臧孺人病太淑人蓋時時爲理髮云太淑
人之治家也薄于自享而厚于賓祭先祖諱日甚
遠者家人或忘之太淑人則不忘先期飭祭事唯
謹竈養蠶妾悉分餼餘鄰里孤窮來告貸者必勉
應之不忍拒也二三宿儒與家君子遊太淑人質
衣治具咄嗟立辦顧君端如老病無依時留旬日
不去太淑人爲設酒食終不厭也太淑人未嘗讀
書所行暗與古合聞誦讀聲則欣然喜誨愚兄弟
惟以讀書自鳴盛弱冠而里中尠所見聞意鬱鬱
不自得出遊四方太淑人無兒女戀恒趣遣之比
歲時歸省偕婦子奉侍杜堂太淑人顧而怡怡稍

西東女不稱
卷三十一
間輒蹙然曰兒不遊則學不成又無以養然兒出門經月累年吾未嘗不念吾兒口不言心惻惻動天乎痛哉回憶遺言能不肝腸摧裂乎辛酉迄癸酉鳴盛常客吳門中間客京師一年客楚三年侍親之日無幾也通籍後居官十載中間惟已卯奉使閩中蒙 恩給假旋里綵衣蕩節輝映一堂人皆以爲榮孰意驂駢在道樞衣拜辭即爲音容永隔之期也自還 朝後寒暑再移浮湛人海悵望親闈去住願違中情愴結庚辰冬太淑人七十恭遇

萬壽覃恩得邀 封典明年家君子亦七十同舉壽觴越一年所而太淑人逝矣太淑人體素壯中年後以積勞漸致羸弱形容枯瘠而力持家政自奉菲陋如故晚歲饘粥漸克婢僕亦足任使令顧猶自操井臼汲汲不遑寧處終身衣布素飯麤糲蓋儉勤出于天性家之差多於昔皆太淑人力也特太淑人未及享一日之奉耳天乎痛哉戊寅太淑人病鳴盛方在詞垣急市人參以寄太淑人因其價貴不肯服幸而獲痊及居卿寺荷蒙 新恩給票俾得支領內府人參乃復緘寄用資服食不

謂人參至而太淑人逝數日竟無及矣昔歸熙甫志郭孺人墓述孺人臨終自言爲婦勤苦數十年家道甫成而遂遘疾譬操舟渡江舟中人皆登岸而操舟者沒焉太淑人盡瘁起家鳴盛等曾無纖毫之報也天乎痛哉太淑人每遇令節迎燈演會者過門皆置若弗聞及乎身受恩榮齒踰七袞姻婭稱賀召歌兒奏絲竹後堂太淑人猶不欲出觀嗚呼太淑人之德可謂備矣吾邑自城市至鄉柯皆嘖嘖曰賢母賢母三尺童子無異詞里有娶婦者舅姑必戒曰當效王太夫人也太淑人爲先

王父康熙丙子舉人考取內閣中書改授鎮江府丹徒縣教諭 誥贈通議大夫諱焜之子婦家君子新陽縣學廩膳生員 誥封通議大夫諱爾達之配生於康熙三十一年壬申十月初六日酉時卒於乾隆二十八年癸未三月二十四日寅時享壽七十有二子二人鳴盛出爲伯父嘉定縣學生員 誥贈通議大夫諱堅後乾隆甲戌進士及第系官翰林院編修侍讀學士內閣學士光祿寺卿加一級紀錄三次娶李氏候選州同知幹女廷諤新陽縣學生員娶莊氏候選州同知觀光女女二

西華女不私 卷三十 九
人長適嘉定縣學生員顧我澍前卒次適鳴盛同
榜進士今官侍講學士錢大昕孫男四人嗣壘未
聘廷諤出嗣構聘董氏乾隆己未進士貴州大定
府畢節縣知縣候補員外郎朱英女嗣畚聘孫氏
國子監生繼宗女嗣緡未聘並鳴盛出孫女三人
鳴盛出者二長字姚箎次未字廷諤出者二俱未
字嗚呼悲哉伏惟立言之君子賜之銘誄以光泉
壤鳴盛等死且不朽

像贊

翰林院編修徐君像贊 并序

君諱際光字亮直長洲人爲諸生負盛名

聖祖皇帝南巡伏謁獻詩領京兆鄉薦試禮部不
第

天子知公特賜一體殿試遂以康熙壬辰進士
第三人及第授翰林院編修才品爲館閣之冠琉
球國王尚敬嗣位遣陪臣請封賜君一品服副
檢討海某以行歸撰中山傳信錄述其風土請急
歸里家居數年

今上改元詔起君以御史記名將大用之會卒君
古文辭純明峻潔詩尤雄健排鼻出入眉山劍南

之間有二友齋集海舶三集傳於世予未得識君
而嗣子端辱與予遊出畫像屬爲贊爰趣舉崖略
系之辭曰

豐頤偉幹廣額秀眉虬鬚鶴髮龍章鳳姿猗歟徐
君流徽靡已邦之俊民家之才子含經味道緝柳
編蒲研精覃思傾液割腴嚴樂淵雲筆精墨妙令
德高言義心苦調六飛遠幸萬言獻忱惟華國

器以樂

帝心上第旣登高資頻換給札西清紬書東觀

聖化遐播荒服來王尚敬嗣立誰使球陽廷議交

推惟君宜往賜出麟袍纏來繡鞅彭湖截浪虎

門御風躡翻鯨窟橫度蛟宮文鯨躍波神魚夾舶

百靈惚恍萬怪惶惑遂溯葉壁遂達中山嘉禮告

成天休用頒周爰詔諏使命不辱鉛槧親攜瑣細

必錄三載還朝寵賚彌優衡文校士選俊拔尤乍

返荷衣旋入金馬身逝名存材大施寡君之襟期

日霽春溫君之儀度鵠翥鸞騫君之節槩霜凝雪

浴君之文章江涵海蓄吾生恨晚夙慕芳標仰瞻

遺挂懿範匪遙嶽峙淵停規行矩步白玉無瑕長

松無侶不朽盛事宇宙大名傳示久遠永作典型

程孺人像贊

子汪縉大紳嗜學有文

嗚呼孺人侃母鴻妻輓車提甕簪蒿飯藜舉臼克
 相奉案能低洎賦寡鵠雪慘霜悽母兼父師教子
 勿迷相彼荻花畫之在泥亦有熊膽丸之用齋義
 方之勗面命耳提俾是諸孤古人與稽大紳吾友
 學有端倪發揮孟荀開徑尋蹊俯視流俗譬鶴與
 雞今秋見訪凡鳥不題我來從君眼刮金篦雲龍
 磁芥臭味無睽為言母病占筵卜乩母兮賢哉綽
 楔照隄有弟薄宦就養去閨病耗倏來我心已西
 我別子行且行且啼何意二旬寶婺沉翳重瞻遺
 像為矩為規訓留式穀節著壹齊畫閣閑靚花竹
 暄萋石闌繞逕活水漲溪亦有桂叢亦有菊畦孺
 人端坐童穉是攜音徽已遠剩此赫蹏彤管無色
 妯娒酸嘶千秋萬年吁嗟母兮

哀辭

嚴瑤泉哀辭

吁嗟悲夫豐於才而嗇於年玉折蘭摧忽焉凋喪
 此真天下之恨事也何於吾門屢見之耶曩已知
 歲哭蔣生升枚予痛之甚每欲為之哀誄執筆悽
 愴意思消索不能成章轉盼六載未踐宿諾迺今

茲甲申而又哭嚴生也天乎祝予予能不悲耶生諱國寶字瑤泉蘇州元和人其先出自明大學士文靖公諱訥由海虞徙家甫里即陸魯望隱居處也祖爲康熙乙未進士陝西中衛知縣禹沛考爲諸生振元承藉門風家有賜書耳孺目染得之胎性甫舞勺出而試於有司搨管千言固已蘄然露頭角矣今年夏五月予寓繡谷生來問業呈其詩文若干首文則穿穴經傳自出新意詩格律工穩而逸致翩翩予喜劇爲點定而歸之八月予攜家吳門幽蘭巷與生館舍比鄰生復來坐談移晷何

圖別去旬餘凶問忽來嗟訝驚疑若在夢寐徐訊之則生以風欬小疾忽變增劇遂不起吁嗟悲夫夫才而夭者世亦有之矣或負性傲誕較輓輩偶或摘詞詭僻瑣琢浮艷是皆足以致天生居家孝友傴僂磬折無子弟之過不宜天與人交循循然溫溫然若惟恐迕性尤敦默不妄言笑識者方卜爲遠大器不宜夭爲文昌沛春容無蹙蹶聲不宜夭乃逾冠而溘逝信乎天道之不可問矣曩升枚從予遊幾載恒共晨夕生與予僅一再晤耳一以相聚之久而長令人思一以聚之不久而尤令人

惜也升枚病歐血絲歷歲時卒不瘳生則偶然示疾絕不料其意外之變一以望其不死而竟死故悲一以不意其死而忽死故愈痛也若乃兩人之家世清華丰儀韶秀才名早著被服儒雅則無不同者宜予之舊恨新愁煩冤鬱結相續而靡已時也夫生遺稿甚多行將授梓臨沒猶手所著白蓮花賦屬以就正於予予誦其詞清麗芊綿備才人之能事益復可傷悼云乃爲辭曰
嗟之子之不祿兮乍掩穎而韜芒有衛玠之風神兮同輔嗣之天傷埋玉樹于土中兮赴修文于天上惟行路其增欷兮矧執經而予訪撫清詞之在篋兮墨猶新而人徂繫逝者其不作兮歎我生之易孤

蔣升枚哀辭

蔣生業鼎字升枚其先自憲副雉園公以來清芬令德相繼祖知朔州事樹存先生才望尤著考奕蘭氏亦好事善書所居閭門桃花塢林亭幽靚四方君子過吳者必造焉乾隆己巳庚午予主奕蘭家與生共晨夕二載楚遊歸復留吳門過從甚密自官京師久不相見己卯奉使過吳私計當得把

西華如不稱 卷三十一 古
晤比至則生沒兩月矣生美風儀修潔自喜弱冠
補諸生刻意爲五七言律詩剪截煩蕪標舉明秀
娟好婉約纖麗多態一時稱之病咯血卒年僅二
十有八云生之卒距今七年矣予服闋里居重過
舊館與生之兄孝廉業晉追話疇昔淒黯傷懷乃
爲辭曰

嗟夫才之生兮譬草木之英擢秀穎于菡萏兮當
風霜而遽傾或頽仆于百折兮或枯萎于乍萌斯
紛紛者孰司之兮聊徒聽之于空冥伊之子之雋
慧兮迺奄忽以捐生雕肝腎以搜句兮劇勞形而

耗精曷不抱樸以無爲兮吐滂葩而播馨惟其美
之先盡兮固易悴而難榮胡日月之不居兮俄一
瞬而七齡哀爾志之長賁兮恨爾業之未成念共
學之寡侶兮彌傷往以涕零記繡谷之客授兮恒
坐檻而倚櫺互講誦以諧笑兮共燈火之青熒斯
人今安在兮撫舊跡而再經諷遺詩之在篋兮妙
體物而緣情擬蘭苔之蔥翠兮若冰玉之瓏玲感
交知而惜俊才兮悵掩卷而怳怳

祭文

祭夢文子侍郎文

嗚呼噫嘻負傑出之姿際邳隆之時被遇旣深所
蘊旣施海內以爲叢蘭崇桂朝士重若鸞鷲長離
而天不假年竟不得躋夫下壽之期斯誠有識者
之所共惜而矧在于良知維公邦之世臣家之才
子幼擅睛青人驚胞紫三篋不遺五行並視豹文
之鼠堪徵奇木之對能擬杼文載實揭德振芳早
登甲第翔步玉堂攜鉛抱槧握素披黃爲丁鶴年
爲馬祖常夔夔廼賢後先頡頏晉陟宮僚遂登三
事夙夜在公不懈于位

天子曰咨爾實雋異朕心是毗待以不次俾司文
衡尚贊予治爰持玉尺爰乘輶車賁隅八桂炎洲
之墟爰澄水鏡爰濯冰壺梁園吹臺汴宋之都甲
乙勿穀淄澠必辨快無珠之不探羌有芳而必塞
慶桃李之成陰蔚復苓之入選乃持邦憲乃貳冬
官凡赤牘之鉤稽將作之繕完執事有恪厥心旣
殫載佐司農載典計會凡錢穀之出納度支之薈
蕞所興輒利力除惟害斯蓋公登朝之大凡而歷
政之梗槩若乃贊襄密勿參決樞機見星而趨左
掖犯暮而歸北扉不言溫室不唾省闈此則公之
能謹小而慎微奉使河隄往來楚豫畚鍤方興薪

西莊始存稿
卷三十
六

菱纔具屹雁齒之雲連控虹隄而霞布此則公之
能開物而成務夫何雙旌甫旋二豎忽侵看回翔
兮大鳥俄並去兮人琴巷罷春而慨息里輟瑟而
悲吟嗟音塵之長已悵逝水之難尋且夫童烏夙
慧秀而不實長吉子安早膺痼疾彼其窮愁鬱埋
憔悴專壹固宜文福之不兩齊身名之不並得譬
若荔枝不成名花牡丹本無嘉實公則雍容禁闥
濡染大筆宜其爲柱石之姿而胡乃下同夫蒲柳
之質較王弼兮僅多其七比顏氏兮尚少其一信
天道之茫茫將何從而致詰某等慈恩共集雁塔
同題或聯鑣而直朶殿或話雨而集金閨驚聞凶
訃惋悼愴悽蕪辭用陳牲醴並齋悵臨風以獻弔
悲令範之終睽

西莊始存稿卷三十

西莊始存稿卷附

長短句 謝橋集

滿江紅 句曲道中

襖被匆匆又匹馬
 西風亭驛看天涯
 疎柳參差巷陌
 茅店雞聲衝霧去
 郎當鈴鐸何曾息
 漸鞭梢遙指亂山青
 行將夕
 牛背穩空林
 笛古寺遠斜陽
 隔歎年光荏苒
 軟塵拋擲疊玉峰頭
 黃葉舞龍潭
 江岸蘆花白
 縱羈愁萬緒
 有誰憐孤行客

傷春怨 柳

細柳無情緒
 空自漫天飛絮
 縷縷復絲絲
 愁殺章

臺春暮種向分攜處好繫郎船住繫不住郎船
更遮斷相思路

臨江仙

題同里范大秀才深柳書堂圖

懶向軟塵投汗聊生涯竹屋秧田溟濛金穗綠于
煙棟花風過了飛絮硯池邊小白薦紅都不戀
帶人嫩碧堪憐樹椿縛箇橛頭船興來垂釣去無
事亦高眠

滿江紅

題顧明府歸田圖

杜宇聲聲苦催喚羈人理棹算只爲折腰五斗去
之宜早十畝空園翠篠滿一池活水游魚繞問風
流仙令意如何歸來好蔣詡徑重開了香山社
誰言老召高陽徒侶千鍾盡倒點點金飄叢菊晚
層層浪起孤松杪更冰絃斜撥兩三行舒懷抱

小桃紅

碧玉深杯滿睡鴨熏爐煖蘭燭花殘雲屏寒重羅
幃夢遠但低垂一幅水精簾把相思遮斷沈約
帶圍緩潘岳鬢毛短連理瓊枝雙飛綵鳳同功蠶
繭便秋河風浪隔經年這寸心難限

荷葉杯

研就香羅一尺濃墨私印恁難分箇儂小字訝初

聞真麼真真麼真

南樓令

邵西樵家在雲間有林壑之美項與予同客吳門出示游稿數十篇

為題一闕

旅迹共飄零秋光似畫屏撥開愁且醉休醒醒後
新詩題徧了煙雨寺短長亭 泖水動遙汀鄉園
空自扃擬移家同對山青笠澤叢書還細讀糖蟹
法種魚經

賣花聲

題錫山安蒼涵處士撰歷朝閨怨詩

小字爛銀鈎麗句誰收玉臺閑處兔毫抽寫盡人
間腸斷語付與東流 旅館釀新愁被冷香篝把

來吟遍五更秋觸撥當年良夜夢猛挂心頭

念奴嬌

芭蕉

曲廊虛檻最愛他濃蔭徧遮晴日分得新苞移一
簇綠扇早抽檐隙幾寸芳心緘愁貯恨苦被東風
坼牕紗斜拂遞來春事消息 試看夕露凝餘曉

風搖處葉葉浮空碧卻笑輞川圖畫裏映帶雪天
寒色支子肥時薔薇紅後暗水連房積明朝驗取

花梢蝙蝠微黑

昌黎詩芭蕉葉大支子肥韓偓詩紅薔薇映碧芭蕉羣芳譜芭蕉花

苞中積水如蜜北戶綠紅蝠翼脈微黑多伏紅蕉花間

惜紅衣

雁來紅草

西莊如不稱
卷四
三
砌畔池邊嫌秋太淺試我一剪青女多情新霜染
纔滿紅輕絳斂看葉葉錦江初浣吟伴恰聽賓鴻
叫西風庭院斜欹蓼岸遙襯楓林魚天曉霞散
葦花飛雪相映任吹捲還怕沙寒月苦不耐露欺
煙泣倩崔徐描取添入暗蟲淒斷

天仙子

鏡掩屏山香結霧曉風無力吹殘絮杏梁舊燕又
銜泥相對語人無緒簾外輕寒細細雨

江城子

嬌寒癡煖宿妝慵雨濛濛夢匆匆小奩瑤鑑欹枕

玉玲瓏門掩那知春欲去新綠草舊東風

望江南

花落

香徑杳滿地惜芳菲燕語鶯啼留不住風吹雨洗
送將歸紅瘦綠偏肥

采桑子

瓜步
夜宿

渡江倦旅初程夜雁渚蘆汀月色江聲愁欲來時
酒漸醒曉霜雞喚驚殘夢哀柝寒城畫角離亭
併入鄉心制淚聽

滿江紅

歸自邗上
戲示家人

拂拭衣塵喜室裏孟光無恙話羈離半載悲歡千

狀滿鏡愁眉重畫取迎門一笑憐疎放檢詩囊卷
 卷說相思從頭唱紅槿樹添籬障竹葉盞傾家
 釀算野人生計底須惆悵儂作眾師攜箛笠卿為
 漁婦搖烏榜把圖書家具載扁舟隨輕浪

漁家傲

淺夢輕寒添酒病曹騰怕問梨花信走近玉臺肩
 恰並窺明鏡相憐愁對春風影愛看月華雕檻
 凭丁寧薄薄衫兒冷小膽不宜耽寂靜燈將燼側
 身單枕和衣等

采桑子

釵盟鏡約當年事八字眉描心字香燒閑破朱唇
 暖玉簫圓蟾缺處尋歸路一字鴻高丁字簾通
 禪榻茶煙盡日飄

念奴嬌

秋夜聞芭蕉雨聲

綠天秋到最不眠一夜廉纖細雨斷續羅衾殘夢
 裏點點聲聲低訴半穗燈花三更寒漏滴得愁如
 許西風狼籍冷蛩繞砌交語似此策策淒淒瀟瀟

瀟撼撼總是添酸楚葉上心頭多少事隔箇牕兒
 無據翻愛炎天新荷驟打未惹閑情緒禪心纔悟
 是身曾說如樹

玉照新志無名氏詞牕外芭蕉牕裏人分葉上心頭滴維摩詰經是

身如芭蕉樹
而不堅固

一剪梅 春暮廣陵旅館

犀角流蘇漾玉鉤
十二湘簾十二朱樓
江南花信未全休
廿四橋連廿四風柔
殘醉輕寒特地愁
塵冷書籤香冷衣篝
離情似水斷還流
雨到檐前夢到心頭

搗練子

催嫩雨餞殘紅
人背雲屏昨夢空
蝶老鶯稀春不管
杜鵑無力訴東風

漁家傲

南浦潮痕烟草接
淚滴長亭都把香塵濕
翠柳千絲舟一葉
離情渾似山重疊
月地雲階春夢怯
花外東風驚散雙飛蝶
梁燕歸來愁語咽
畫羅減盡湘裙褶

眼兒媚

畫廊絲雨濕青莎
簾影漾微波
簸錢庭院唾絨牕
戶纔近清和
午風團扇消香夢
評泊意如何
叢殘薄鬢彎環淺
黛嬌困偏多

摸魚子

丁卯春暮同家人歸自吳門經沙湖口泊舟登岸閑眺移時頗極村野之趣回舟即事遂填此解

西華如不... 卷...
湖婁江蘭橈並載麴塵飛滿香絮翠羅衫薄東風
軟攜手淺莎徐步芳草渡指斷淑平沙約約春潮
去輕陰閣雨看麥浪吹寒秧針似繡乳燕掠波語
探幽徧殘碣孤墳方礎靈祠叢社村鼓憑澆一
盞梨花酒小立斜陽催暮尋歸路又幾點疎星眉
月生南浦篷牕細訴算筆架書籤粉奩鏡檻窺箇
結廬處

減字木蘭花

旅次漫感

征程纔發車又遙遙泥滑滑雨雪飄蕭黃葉西風
紅板橋客途倦矣瘦馬亂山巖磴裏醉帽吟鞭

鞍背船脣已十年

如夢令

歸自金陵途中作

茸帽油衫塵浣一輛柴車重雇望裏短長亭點點
晚鴉無數無數無數秋雨秋風歸暮

百字令

殘缸無燄對匣中劒冷杯中酒熱多少壯懷消未
盡一擊唾壺都裂白日悠悠紅塵滾滾隙影真飄
瞥懷中名刺捫來今已磨滅空自萬里辭家千
金結客意氣輕離別磨鏡吹簫長混迹屠狗悲歌
愁絕射虎山南飛鷹塞北渴飲黃獐血眼中餘子

西莊雜詩
卷附
一時誰是英傑

減字木蘭花

燕山旅店寄內

鞭絲帽影古道荒烟殘月冷為問寒牕開到江梅
幾樹香魚箋信斷淚粉慵添愁黛淺解憶長安
兒女燈前定愴然

洞仙歌

京邸有憶

匆匆上計春病纔慵起琴薦書囊為料理記剪刀
深夜補就寒衣憐消瘦蟬鬢鬢愁裏尋思恁
草草一霎燈前解纜春江便千里鞭馬上長隄獨
宿郵亭翠衾單淒涼孤倚看燕臺裂帛漸流漸想

彈淚東風故園花底

錦堂春

春夜風雨

杏粉纔烘繡館梨雪淺幕紅樓韶光禁得風和雨
斷送似殘秋好夢滴迴枕畔離情吹上眉頭檐
花落盡燈成暈一夜替春愁

虞美人

舟中夜雨有憶

羅帷當日梧桐雨擁被同聽處髮香酒醒夜如年
點點聲聲吹到枕函邊祇今獨宿空江岸淺水
蘆花畔瀟瀟幾陣打孤篷夢短燈昏天外叫征鴻

法曲獻仙音

上海黃芳亭孝廉寄秋牕聽雨圖索題

露脚斜飛葦條輕颭又是西風岑寂幾陣廉纖千
絲霑灑凭欄最愁吟客剪短燭任梧竹櫺椽夜頻
滴 申江側想茅齋恰臨新漲湘簟捲檐花亂飄
簾隙何日挂帆來話聯牀同把箋劈此際空階伴
衰荷獨對瀟緘算天涯清夢長傍水雲相憶

浣溪沙

江上題壁

寒潮東去人西上之字帆飛八字山欹苦竹黃陵
望九疑 暮煙千里將愁遠亞字城低巴字江迷
峽轉清猿不住啼

憶秦娥

題姜夫人畫卷

清秋色墨花皴染寒煙碧寒煙碧秦餘山下越來
溪側 謝家風絮飄香陌玉臺妙筆無人識無人
識彩鸞情性道昇標格

雙雙燕

題張憶簪花圖

小脣秀靨訝壓衆風流趁時梳裏冰蕤露萼依約
鬢邊花朵當日平康占斷按金縷瑤笙吹和羸他
妙手調鉛染出翠顰輕鎖 低鞦娉婷婀娜自化
綵雲歸粉香摧挫釵鸞箏雁都逐亂紅飛墮空剩
霜紈塵浣有多少留題傳播淚濕青衫一種傷心
似我

西東女不和
輓轡金井寄題家琴德

露簾煙檻傍南村自結矮香茅屋簇簇菰蒲罩幾
叢寒綠風流舊躅應直繼玉山金粟海內文章江
干車馬歎門相續橫雲數峰秀矗看秋嵐潑翠
影落溪曲岸幘匡牀檢奇書恣讀漁樵路熟待過
訪挂帆半幅笑向西牕燈明酒醖醉鄉同宿

望江南

蘇臺畔一葉墮階墀孤館夢迷金屈戌高樓愁動
玉參差風月苦相思尋往事鏡卜與釵期嫩綠
池塘攜手處闌紅亭榭按歌時腸斷有誰知

瑣牕寒

井詠

風颭疎簾煙浮斷砌一泓凝碧波瀾不起昨夜露
桃纔坼凍銀牀徐牽素絲輓轡低轉輕冰滴記夢
迴綃帳寒漿汲到粉香都拭閑憶添淒惻奈鬢
影春風便成陳迹銅餅失水落葉暗飛檐隙冷雙
桐照影誰人荒涼瑤甃空似昔伴箏絃絡緯啼秋

刺苔花愁寂

孟郊詩波瀾誓不起妾心井中水王

施曉夢綃帳寒香鬟墮髻半沉檀轡伊啞轉明

玉驚起芙蓉睡新足又長卿歸茂陵綠草垂石井

彈琴看文君春風吹鬢影張籍詩梧桐落葉黃金

井樂府華陰山頭百丈井可憐女子能照影李商

隱詩露索秦宮井風絃漢殿

第李白詩絡緯秋啼金井欄

綺羅香

詠欄 杆

略約塘邊呆恩樓上曲折排成卍字十二遙連紅
 照一渠春水帶明月涼影輕移傍高柳殘絲曾繫
 想當初翠袖凭時玉人垂手擁雲髻 天涯此際
 別久回首屏山六扇離思難理江館風湍花藥半
 荒殘砌空拍檻舊夢誰尋漫當牕亂愁無際待何
 年虛幌閑庭捲簾還共倚 温庭筠詩正是玉人腸
 斷處一渠春水赤欄橋

崔櫓詩明月自來還自去更無人倚玉欄杆徐凝
 詩一把柳絲收不得和風搭在玉闌干西洲曲闌
 干十二曲垂手明如玉少陵詩常
 恐沙崩損藥欄也從江檻落風湍

滿庭芳

壽李碩 夫高士

騷雅總持江湖耆舊緇塵不上衣裾少微星炯標
 格顧兼厨愛蠟尋山短屐門生好笑舁藍輿蒲輪
 到高眠未起松桂護精廬 閑中新著富桐君藥
 錄都尉農書伴鴻妻霸子赤腳長鬚七十而今轉
 健朱顏在鶴髮蕭疎風流甚遺民高士今日有誰
 如

臺城路

家穀原比部曩在秣陵嘗夜泛秦
 淮送客入蜀時商寶意寓河樓倚

闌吹笛遂邀作梅花三弄而別命
 畫師作青溪邀笛圖為題此詞

西風長板橋頭路衰楊絮痕都捲月脚低垂波鱗
 碎疊一鑑冰奩平展烏篷乍縮話劒棧離程越吟

西莊始存稿卷附
愁伴何處高樓露寒雲咽噴羌管
伊涼清夜按
徹更紫牙催拍梅蕊飛徧前事如塵畫圖重省我
亦舊遊頻換冶城遙岸記聽雨層闌鬪茶深院回
首江南水天歸夢遠

南鄉子

觀察許君遊蜀取陸放翁細
雨騎驢入劔門句繪圖索題

石棧路巉巖望裏晴峰幾點
峒眼浮雲開玉壘
郵籤萬井雙江乍解驂
疎雨峭寒添
驢背凌兢
好句探今古詞人流寓地能兼
前是漢西後劔南

西莊始存稿卷附



